

佩韋齋詩集卷第一

太玉山人俞德鄰宗大父

古詩

古意五首

迢、長安道古堠雙復隻游子辭家去去、何所適素  
 商昔轉玄朱羲今由白悠、世路難江湖虎豹宅楊朱  
 途途窮魯叟悲麟獲願言弛負擔歸與愈岑寂  
 疊、天上星湓、海中波時哉不與我况復未息滅浮  
 氣冒層嶺君去將如何君吟行路難妾思塵屨歌積愛  
 僮心癖采薇南山柯  
 悠、君何之筑、妾影隻蕭、兩鬢絲寒衣不堪織縱

國家圖書館, NATIONAL CENTRAL LIBRARY, TAIWAN, R.O.C.



使堪織衣練能成幾尺西窗暗雨鳴孤燈耿復減君心  
如妾心妾心匪木石

皎々天上月輝光燭蓬門蓬門亦何有鏡臺臺上懸妾  
心如古鏡磨盡明不昏君心鏡上塵磨去不復存倚嗟  
賤妾心與君難具論

憶妾初嫁時感君塗說茨嫁君未三載君行河北陸長  
唐耿天際飯粟羹伏雌君云去不遠五月當來歸聞君  
往從軍裘馬事輕肥蓬蒿沒深巷風露淒妾衣夫君豈  
不念將由道路透道路或孔通妾憂寧不知

吳郡齋遣懷

齋居苦無悰散屨步芳圃花柳度煖風莓苔滋宿雨疊  
嶂隱簷牙幽禽啼林莽池光盈蔽虧日氣石吞吐迴眺  
覲層城狂歌溢天宇倏歡景已流俄思愁復聚楚奏鍾  
儀悲越吟莊舄苦人情異窮達上思渺今古信美非吾  
鄉歸心屬蘭杜

龔聖宇號翠巖晚歲更號巖翁為賦

春風桃李顏歲寒松柏心達人步大方靜愛無絃琴無  
絃豈堪聽絃外多遺音世涂甚風水對面商與參孤芳  
忘群處散材辭衆侵霜降水歸源日旭星就陰浮華剝  
落盡古道誰復今吾家鴈山下翠巖高千岑清秋灝氣  
塞萬里纖埃沈安得與君去結架聆清吟

閒居遣懷三首

莓牆蔭薜蘿中有一畝宅花竹分四時野鳥鳴格磔浩  
歌引清觴微風岸低幘百骸任舒伸一笑天地窄剥啄  
誰叩門、外有佳客

坐中有佳客尊中有美酒、美客更佳一醉亡何有醉  
餘送客去新月挂疎柳明日欲重來已戒應門走  
客至固自佳客去亦不惡起舞弄清影明月勸孤酌一  
杯復一杯輕颺動脩薄擾、百年間誰能得此樂酒醒  
日射窗推窗見梅落

聞角

角聲嗚咽梅花老遠客夜長風草、起傾凍酒澆愁胃  
愁思轉多杯恨小人生石火斯須期月轉樓西角又吹  
哨臺一枕華胥夢明日看山笏拄頤

遣興十首呈孟兵部使君

來日悲苦短顏齡恨將侵西山產靈藥暇日聊與尋尊  
蒼蔚巉巖兔狐走高岑洪崖去不返羨門杳無音竚立  
長太息誰哉知我心  
雉鳴朝求雌木壞疾無枝仁心哀君子小弁怨何磯在  
昔共世子待烹慰驪姬亦有魯閔氏朔風衣單衣二賢  
豈不怨仁義固良知負、彼投兔政、奔鹿斯道 尚  
或瑾况乃天性為

豕交食弗愛獸畜愛弗敬烈士死一言利祿足足競陞  
戟觀伏波井蛙敗人興不見古公子親御侯生乘

雞鳴食孟門指鹿相秦室所以有志士林樊屏輒跡得  
時貴行道枉尋豈尺直無為趙孟間笑此陳蔡厄  
脩：瓊田鶴高步何顏、霜毛暎寒月丹頂含晴暉胡  
不乘軒車俛啄前谿為谿水清且淪白石亦粲、雖無  
魚蝦味且免雞鶩嗔

趙子有古心眠世澹如寄青編對朝夕黃花當姬侍海  
上逐臭人紛、笑厓異鳥知四五間政在薛公輩

俗子塵滿襟門外紛偏塞顛顛詩中英高卧翠巖側風  
雲入古硯烏烏窺凍壁似聞中饋虛桑麻欠機織母氏  
聖且善門閭望朝夕擇婦要得人在德不在色

卯金我石友曾次如阮嵇灌園西郊外竹徑風煙迷我  
宅今易至政擬尋幽樓下隣儻有分嘗在西枝西

我昔愛君直蚤慧機靈比一別復幾時使我費懷企夢  
中往相尋宛在水中沚水中多鳧鷖水邊鳴鳩飛天雨  
逐婦去天晴呼婦歸鳧鷖政自樂鳩婦吁可悲

逢蒙學羿射殺羿射始神羿兮信有罪蒙哉真忍人世  
涂昏若漆對面趨與秦眼中今歷、欲語愁余嗔

### 石門洞

衡、雙石撐青空澗鳴瀑吼驚魚龍維舟支筇步山徑  
山黑鬼笑猿啼風雲巢雪屋數羽士玉函寶笈繡晨鐘  
天寒木落山露骨日月隱、行空濛九衢黃埃沒馬腹  
一家歌笑百家哭雖然是山猛虎多猶勝人間賦蛇毒

靈鳥

靈鳥太多知庭樹久棲寄主人聞鳥靈遺食富仁意鳥  
亦感主恩啞、動鳴喙心知主厭聞異主早自計大忠  
易為戮至靈乃凶類折翅會有期卷舌良自愧終當為  
主鳴誰與畏羹哉

贈成雷師

妖氛塞乾坤乘罅毒黔首膏肓不可鍼靈文洩樞斗雷  
師爛柯僊造化默授受捕蛟咎鬼神死似彌明叟雷霆  
指顧間雲雨翻覆手携詩走江湖萬里屈伸肘平生劉  
伯龍貽笑今已久誰能煩律令三揖費蕉柳嗟、世涂  
艱魑魅白晝吼藍色雜曼膚睽神眩妍醜我欲掃除之  
荒郊乏荆帚何當襲師術轟霆震枯朽坐使四海清物  
物躋仁壽

壽沿江黃制置七首咸淳壬申作閱故書偶見之  
追感昔日賓閣陪從之舊不忍刪去凄然恨名節  
之難保而歎時偶之難遇也

商巖賚良弼周嶽生甫申一賢關世運六合歸吾仁英  
英丹霞翁異代獨儼倫駢麟下帝所仗鉞清塞塵塞塵  
行且清器農不器兵廊冕端紱冕永、扶休明

曾城護六朝長江渺萬里紫蓋照東南屏蔽獨此恃連  
營步騎屯列邊烏糴峙填拊茲匪輕倚毗良有以願言  
策殊勲千歲光竹史

軍中用范老幕下羅歐陽王人不受繫白駒猶在場乃  
知古君子致泰由包荒山深草木萃海澗珍怪藏周公  
晉吐哺鳴鳳終高岡

越流飲醇耐街亭正軍律勸懲妙微機今古軌轍一韓  
昭戒夢言荀攸貴深密此事難語人端居幸時繹

父母斯民寄斯民斯民心仁哉彼君子天地融一襟得  
情貴勿喜頌畏如弗任神明次公政所至留棠陰寧使  
民覲德茲言良足欽

五龍閱古今顏貌儼童孺亦有赤松子駕鴻凌紫霧靜  
心遺紛華定力養冲素因知龜鶴年非以服食護公身  
天地身出處繫王度願言保千齡持用答三顧

走也晚聞道曳裾登師門師門歲數何冠珮何閤、拂  
拭長光賈吹噓憐苦辛永言一飯報嗔然清渭濱燕飛  
認巢穩馬瘦思草春何當入釣播缺北知無垠

題劉同知所藏春山訪隱圖

環洲玲瓏徑深窈巉巖翠壁摩蒼顯幽人結屋倚陰厓  
雲木煙蘿互縈繞維舟散屨欲往從山深樹密無行蹤  
徘徊谿橋自嘆息安得上下如雲龍古云大隱、朝市  
市朝亦有居巢子胡然見面不見心咫尺娟、隔春水

贈雷巖趙相士

雷填、雨冥、千巖萬壑白晝暝真人宴坐神不驚一  
瞬百怪無留形風休電止天宮淨頂笠執包談性命龍

鉛虎汞世莫知更說榮枯動人聽壺子久不作季咸六  
已矣杜德衡氣無二機第靡波流寧底止矧伊浮世上  
旋轉如飛蓬死生夢蝶成蝶夢禍福得馬失馬翁羊裘  
垂釣或諫議不龜手藥忽取封相形相不畫相心：莫  
窮雷巖雷巖不如歸卧巖之下吾亦榮桑稅吾駕明月  
投人戒暗投美玉匱藏須待價

題補蹠翁圖

聖月無盈虧劫燼有新故嗟：補蹠翁乃復不早悟為  
王雖云樂萬機實心蠹世尊愍衆生引手弘六度以我  
智慧燈照彼入正路令人淤泥中識此清淨土我本有  
髮僧靜參無二句拊圖對青山了然見心素從茲謝筆  
墨白雲共朝暮剝啄誰扣門法喜慎勿語

為馬受益題韓混畫子母牛圖

老捷耕餘飽枯蕪呼犢引犢緣歌厓犢兒母懷不父懷  
母子傳習形離孤牧童生來識牛意倦拋臺笠曲肱睡  
爾牛不寢亦不訛我亦無夢遊南柯歸來短衣不掩胛  
卻笑漫：歌夜半

甲戌遊盱江六月二十一日發武林

威弛慘無光城烏啄大屋淮雲蒼莽間十載幾荼毒憂  
心甫設：又復正陽築正陽：何許地接英與六傳聞  
夜點兵文書下機遠揮汗起負戈部伍競馳逐平明驅  
出城令嚴秋氣肅豈不實苦辛主憂固臣辱前年戌襄

樊去年戊郢復白骨秋野橫青燐陰房煜生還偶然爾  
忍怨征行但所悲世路艱無罪罹殺戮潢池弄盜兵綠  
林仇餉肉萍、畿甸間風塵浣人日聖明撫遐荒先事  
清輦轂干戈動邦內豈計顛史盛扶顛要得人撥亂如  
轉燭秋山翡翠青秋水蒲桃綠去、取封侯勿羨牧羊  
僕

甲戌秋過了頭巖有感

昔年北兵泚黃渡官軍一萬了頭駐巖前十里無人煙  
焉知今日重生聚老翁殷勤指長孫生時開慶方改元  
今年裏頭明年娶感荷太平天子恩傳聞禹湖龍又遊  
空餘弓劍留人世天上雖多三數公社稷蒼生誰早計  
老翁憂時色枯槁竊臥巖前分擯草京師來往千萬人  
欲問明時知者少嗣皇繼聖生神靈西陲何事猶徵兵  
棄樊未復郢又急正陽新築淮又平吾儕紅額今有幾  
青袍白馬紛、是巖前鬼燐陰雨青老翁說著心膽驚  
願君努力扶休明翁也菁羹橡飯安餘生

甲戌六月十四日月食過半七月十四日抵廣信  
月巖有感而作

昔聞月巖、上月無今無古無圓缺天無二日月有二  
此豈鬼剔神刻出我從前月容帝京月明忽苦蝦蟆精  
爾時見天會事發誓取妖墓膏寸鉄不知巖月當此時  
上睹月食悲不悲我行過此三歎息此月不食彼月食



再拜三靈問川后妖墓到底受磔否

仙人巖即事

夕陽隔谿明薜蘿數峰谿畔青峩峩層、髻鬢相盪摩  
谿流洶湧通銀河金支翠旗颭山阿風傳霧樂鏘鑿鉢  
雲封巖竇生靈禾仙靈脫久留僊槎奕枰丹竈劉月柯  
窪尊土缶石臼磨苔剝蘚刻千歲過護以鬼物煩拈呵  
谿南谿北夔罔多鱣鱸鮪蛟鼃鼉雷聲吭噓陳雨電  
仙筇九節扶下坡紅粧半醉誰嬌娥容顏二八細馬馱  
下馬避雨吳歛歌蘭麝馥郁飄綺羅靈籟學道蠲煩痼  
湘浦解佩聲瑤、雙成飲罷鳴雲馭藍橋一醉朱顏醜  
扶桑暘谷同碧渦玄書寶文傳豈譎浮生百歲如飛梭  
當歡不歡柰老何

為孟希聖題李落鶴鷄畫扇

下車式怒鞋為愛蛙有氣秋風化為鷄迺復有鬪志叢  
叢櫛葉邊攬月晚而視雖非紀渚雞宛類浮圖鷲因知  
氣苟存百變終不懦斯人倘若斯似可敵王愾云胡萬  
夫特甘受巾幘遺鷄衣爾固微或者寧不愧

吳江夜泊

扁舟渺何之洵、吳江水走馬見新堤乘虹失舊址戰  
艘列旌旗隨風紛旖旎須臾曠色至悲笳數聲起推警  
黃鬚兒臂搶挾弧矢篙夫趣登舟掩篷不敢視但聞深  
夜中刁斗鳴不已及明問前途山長川瀾、我生苦漂

零十載行萬里馬知及茲晨憂傷淚如洗

### 過釣臺

行色苦迢遞人烟渺凜涼泊舟值嚴瀨濯纓感滄浪赤  
符讖龍鬪白水瞻鳳翔淳風協玄德落星隱寒芒桑溟  
忽變易草木猶芬芳嗟予遘迭蹇垂老悲興亡溪湍兀  
小艇嵐氣昏戰場安得釣臺釣尚友狂奴狂

### 蘭溪叟

我、溪市暗翳、山雲昏驚雷越凍雨頃刻如翻盆潦  
漲蛟蜃作厓裂魑魅奔遊子心懞恍舍權投孤村及明  
浮霽色步入蘭江門烈風煽劫火百室一二存忽逢病  
羸叟呻吟行路難問之若何疾滿體催租癩千村盡剝  
柯何以輸王官嗟我擇術闇半生誤儒冠濟世雖有志  
老去徒悲酸對此重惻慟、毛生寒

### 龍門嶺

沮洳棧道濕慘澹旌竿暮經行此山中髻鬢龍門句借  
問山何名亦以龍門故祝融鞭火蚪正晝終馳騖乾坤  
一洪鑪何適非窮步况茲履嵌峯豺狼隘前路及暮雲  
氣陰霏然洒甘霖迺知天地仁不待蒼生訴

### 麗陽祠

峭壁出蒙龍澄溪深潏潏碧瓦映朱扉雕甍燦金榜  
現紛後先芘芴盛肸纒云此麗陽祠桂籍夙所掌當時  
逢掖士祈禱何穰、歛然夢寐通其應捷影響我學非

時須青紫絕妄想及茲值艱虞乾坤倦搖蕩山行愁虎  
狼川游畏夔罔故鄉隔三秋烟塵極塊莽神兮罔時怨  
訶護迄來往中夜若有聞縹緲隘雲仗及明泛逆谿祥  
颺送雙槩

前哀哉行

妾家淞水東一門十米輪男多止一女鍾愛歸妾身七  
歲誦經史十歲學補紉十五事機杼二十供藻蘋不忍  
嫁張掖愛我歸寧頻去年邊事起處、驚為燐盡室遊  
空谷雷雨彌半旬狐兔伴我食虎狼為我鄰羣盜正猖  
獷白晝昏埃塵驚憂轉成疾抱痛不敢伸傳聞官軍至  
草木生歡欣豈料反縱暴舞戈獵生人倉皇不得避驅  
斥行海濱避寇、幸免依人、不仁哀哉有如此妾生  
何不辰

後哀哉行

前年強寇至倉忙避空谷我里數百家及歸半魚肉去  
年南軍來詎意行殺戮縱暴與寇等十家九家哭今年  
迎北軍膜拜卷兩足死者歸途泥存者依草木驚魂苦  
未定乃復遭驅逐凜、塵市間寒月照逃屋乾坤等覆  
持聖明均煦育而我天降凶伊誰怨荼毒哀哉勿重陳  
回首訴力牧

佩韋齋詩集卷第一



國家圖書館, NATIONAL CENTRAL LIBRARY, TAIWAN, R.O.C.

佩韋齋詩集卷第二

太玉山人俞德鄰宗大父

古詩

秋夜雜興三首

客舍坐不寐，隱隱聞秋砧。  
清露月中下，涼颺開我襟。  
明河斜欲落，斗柄橫嶽峯。  
寒蟬上何事，徹夜長悲吟。  
起坐萬感集，松泉響天琴。  
海澗有涯山，高有岑。客懷浩  
無極，及此秋夜深。

涼風起，秋夜露冷梧葉飛。  
棘林照熠燿，促織無停機。  
空前有孤鵬，鳴嘯聲譁譁。  
援琴鼓清商，哀怨凝金徽。  
伯牙久不作，至音知者稀。  
徒令世俗耳，增此兒女悲。  
棄置復

棄置明月斜侵帷

明月何皎皎，流光入城闈。永懷遼鶴去，及歸無故人。故人亦何許，往事不忍陳。龍逝鼎湖寂，麟傷周道湮。桑溟變俄頃，干戈徧穹垠。眼中萬年少，談笑乘朱輪。王侯與卿士，零落隨埃塵。興亡固有數，貴賤亦有因。孤裘冬則御，桃笙夏乃珍。萬事每如此，毋徒為苦辛。

常州天慶觀畫龍二世傳仙筆一點晴乘雷電飛  
去一經兵火亦不復存

毘陵天慶宮中壁天趨雙龍勢千尺鬚圓尾壯角浪平  
目深鼻豁鱗纖密一龍點睛已飛去電掣金蛇雷破柱  
一龍舊壁尚蜿蜒朝昏恍惚騰雲霧黑風動地劫火燼  
鬼神糜爛龍崩奔蒼生百萬化魚肉益池感涕骸陵屯  
靈物去留應有數曼銅吹竹誰韶護會歸晷畫吸清谿  
一雨八荒均布獲

獨孤檜

烈帝祠中獨孤檜鬱々亭々一車蓋根盤九地蟄蛟螭  
幹得層霄浮靈霄朔風鼎扇塵晝昏炎々譌火連空燔  
一蛇騰驤赤帝子將軍舌鏗空驚及天愁地泣鬼神怒  
元緒老桑哀莫訴斤斧侵尋歲月枯寂寞半心承雨露

春怨

垂楊帶雨煙沈沈，綺窓翠幕清晝陰。琵琶撥盡誰知音  
一聲望帝春事深

鵲鵲詞

鵲鵲鵲鵲爾拙無伍朝飛何從來暮宿何處所飲啄不自營日：呱、叫、春、雨、沙、場、鬼、哭、天、沉、陰、澤、國、夢、魘、夜、相語一聲兩聲雲冥冥三聲四聲水建瓴十聲百聲大雨車軸下千聲萬聲江翻海漲鼇宮傾羲和推車不敢出鮫人畏濕綃機停淤泥三尺百賈卧十家一二炊煙青鵲鵲鵲鵲喚雨又不已教爾閉嘴不閉嘴再拜：天公笑詞小心風雨師屏翳雲師豐隆鵲鵲爾何物盜天之柄哀頑凶天晴呼婦雨逐婦寄巢生子隨西東願天勅后羿挾矢操強弓射逐九州外勿使孽尾添雌雄天關九重暗氛霧鵲鵲飛來復飛去黔黎賦：生魚龍鵲鵲猶自鳴不休重為告白鵲鵲鵲鵲爾形甚眇爾聲孔悲爾鳴不止爾心何為意昔黃帝作鳳凰巢阿閣此時無爾鳴五風十雨天下樂又聞有虞氏韶成鳳凰至此時無爾鳴風雨弗迷天下治爾今雖彊顏不如闔口歸深山：深雲密百鳥閒落花流水聲潺潺：秋分春分任爾化何用對爾鳴聞爾今不肯去吾亦能爾怒長安扶彈多少年勸爾藏頭莫相遇

送丹山林秀才

燕臺築黃金致士合隗始子留既暮月及歸乃白士豈伊賦萬言不直一杯水提携古錦囊尚詫驪珠比得非坐詩窮顛顛至于此丈夫貴出世卿相偶然爾畫繡豈

必榮韋布何足取，偽遊淮陰縛紿載龜錯死。所以賢達  
人吐，從黃綺丹山有源水，清可以洗耳。丹山有奇石，  
堅可以礪齒。去，勿咨嗟。時止固應止。

次韻陳靜佳治中九日見寄

涼飈滌殘暑，霽宇藹清氣。悠然采黃華，誰望白衣至。江  
州老使君，懷人寤不寐。清尊遠送將，驚呼候門稚。一醉  
得我生，五斗寧復計。衰榮本無期，出處各有意。醒者彼  
自醒，醉者彼自醉。醒醉更相嗤，死生同一寄。嗟，戲馬  
臺千古，誇勝地誰知。柴桑翁醉中有真味。

題寒江聽雨圖

江風渺雲鴻，江雨濕烟樹。扁舟出波濤，悠然於此住。掩  
篷卧看書，不受蚊龍怖。焉知臨流人，擾，需翁渡。

聶道錄和王寅甫外郎雪詩因次韻仍依白戰體  
黑螭駕趣玄冥來，朔風捲地飛塵埃。江南澶漫數十郡，  
大半化作昆明灰。窮陰用壯勢獵，田父嚇，何時哉。  
龍公行雪六說事，縹緲落屑隨颼回。八荒炫晃盡一色，  
羽衛隔遠空黃臺。閉門窮巷獨僵卧，餓死已分如墨胎。  
詳，傳誦汝頰句凍口久合，迥然開當年白戰禁。體物  
練絮玉，月銀梨梅醉翁仙去不可作，欲追勝賞誰傳杯。  
荒丘坳垤隔猓虎，老樹決滌封莓苔。風塵瀕洞詩事廢，  
巨筆把梨無雄材。嗟予客路二千里，夢寐無復斑衣萊。  
何當賓日照暢谷，蘇息困約無繩蓄。會趨賓館賀元獻。



不敢合閭騷樽壘

### 望夫石

朝望夫暮望夫望夫、不至江樹煙模糊一朝化為石  
誰知望夫苦獨有堅貞心千古復萬古

### 三五七言詩

守錢虜抱官囚銅山富埒國金印班徹侯宛其死矣人  
入室不義而富嘻雲浮

### 次韻陳彥寔遊羅漢寺

林泉近城市而無城市人携壺散游歷心境同一春何  
必事幽討辭家入西秦西秦苦迢遞勞我金闥身不如  
遠公社醉倒人不嗔百年電明滅萬事蠖屈伸所以古  
達士死葬陶者隣或者為甕盎尚得日飲醇豈比夷與  
齊忍飢以求仁吾生幸未化有酒勿厭頻一杯復一杯  
浩歌落梁塵但問客醉醒不問踈與親君看北邙墓松  
栢多為薪

### 陳登夫再和用韻奉答共說江南杜禪

煌、光明宮中有西方人當年脩何道辛苦十踰春道  
成就空滅姬周遽羸秦空冷萬億劫稽首金色身我無  
忍辱行獨立招衆嗔常願習淨業跌坐脚不伸向來宿  
木下六頗鏡梵鄰做晚遠公社沈寔粟里醇終然守道  
巷尚友顏生仁豈伊石頭路行、欠頻、百年三萬日  
奄忽如颶塵癡人昧非相念、生踈親何當見佛影國

清甘爨薪

次韻陳登父風雨枕上書懷

霧氣黯層峯，雨聲誼萬瓦。蘧然夢華胥，寐殆非假寐。  
久夫晨興嗒，鄰雞鳴雞鳴。雞自鳴，我本忘吾形。忘形  
豈徇物，况乃真坦率。人生壽百年，能得幾日月。日月去  
堂，河流逝活，覺悟不早計。龜筒恐難脫。

舟行

扁舟夾港下，漕渠溢春水。邊雨翁仲閔人亦多矣，其  
中鬱佳城寂寞，向千祀。罔樂失故態，草木罹新燬。緬想  
寔宵初，鳴笳汎清汎。送車數千兩，夾道陳簞簞。歲月迅  
不留，嗟！遽如此。因知人間世，變化倏忽耳。金箱貯茂  
陵，籊籊棄石子。貴賤雖不侔，腐壞界相似。踟躇復踟躇，  
蒙莊信達士。

題郭元德所藏龔聖予瘦馬圖

吾聞神駿之肋，十有五。雄姿矯，騰龍虎。四蹄踣鉄尾，  
捐風藐視崑崙薄。玄圃何時歷，塊誤一蹶棄。置荒林，翳  
榛莽。思昔先朝十二閑，駟駟駟駟充其間。此馬當時最  
倜儻，流沙萬里來。玉關祇今淪落歸，人世何人保養思。  
終惠顛龔前身李伯時，殷勤染翰憐權奇。峻增瘦骨見  
者歎，度越駑駘猶萬。天上房星久已空，此圖此馬俱  
難逢。至人愛圖如愛馬，收拾瓌文為模寫。我知顛龔欲  
畫時，天地黯黯風煙悲。離禾黍，今如此。誰識羸駘真。

駉駉明年野外春  
草平瑤池八駿還  
爭鳴此時更倩顛  
龔筆一掃爾雲龍  
八尺

京口遣懷呈張彥明劉伯宣郎中并諸友一百韻  
壞雲覆紫微  
疾風捲黃屋  
生靈半塗炭  
社稷竟傾覆  
借問誰厲階  
往事具可復  
穆陵握乾符  
丁揆覆鼎鍊  
北兵渡澚黃  
汙鄂盛誼讜  
連海蕩為墟  
交廣駭幹腹  
兀然天柱搖  
凜甚國脉慶  
明詔起巨潛  
扶顛秉鈞軸  
將師一奮呼  
江漢奏清肅  
維時望公間  
高譽傲方叔  
造歸持相印  
景定寔初卜  
百寮遂近郊  
至尊畧邊幅  
策勳告廟庭  
陳樂備致祝  
煌煌福華編  
傳者筆為禿  
焉知亨夸毗  
欲捨天下日  
得政曾幾何  
故老盡斥逐  
哀天崩度皇  
繼歷版定策  
比周召卜世  
過邾鄒萬微  
委岩廊十年  
卧林麓  
金屋貯娉婷  
羽觴醉醞醑  
伍符日空虛  
郿塢富儲蓄  
紛紛輕薄徒  
睽睽希自鷲  
荃蕙化為茅  
龜玉毀於櫝  
怡然談笑間  
禍機已潛伏  
洪惟幼冲人  
天步采踏蹶  
一朝襄樊破  
殺氣薄川谷  
折衝六何為  
籌邊置檣速  
拊御既失宜  
奔潰更相屬  
舍垢護逆儔  
况望誅馬謖  
沙武倏飛渡  
長江儼平陸  
連檣萬艘艘  
悠自回舳舻  
老夏道逃竟  
學龜藏六敗  
證劇膏肓搏  
手但輦願蒼  
皇出視師  
氛埃昧前纛  
總統付虎  
臣竊倚晉郤  
縠丁洲師  
前鋒未戰兵  
已血潰卒  
爭倒戈降  
將羣袒肉  
單騎竄維  
揚走險甚  
奔鹿觸熱  
赴清漳  
就死何  
敵鯨蹇  
予客朱方  
沈憂髮曲

局謹傳田宜中厦仆夫一木奈何張蘇劉猜忌不相睦  
所欲皆欲攘茲事豈頗牧借箸資腐庸授鉞逮厯僕焦  
門集戰艦乾坤一擲足水陸迷畏途師喪國逾辱區、  
拒毘陵曾不事版築驅民入罟獲駢首遭屠戮至今用  
鉞地天陰聞鬼哭蘇秀暨湖杭死生猶轉燭行成漫旁  
午公等真碌、獨松守張濡兒戲鬪蠻觸信使鬼成禽  
賈禍幾覆族三宮泣草萊萬姓呼翦麴疑丞詣高亭獻  
璽願臣屬黼宸釋冕旒羽衛撤弓鞬廣益亟南奔窮荒  
尋帝儻雋然太母身垂老歌黃鵠彼哉寧馨兒乘罽叨  
爵祿屈膝同所歸伊誰念王蠋江湖數十郡李趙差可  
錄元兇迷是似萬世有餘惡庭芝困廣陵儲亡二年粟  
力戰尚可支而乃事蝸縮乙亥仲夏交北向發一鉞死  
傷近七千從此輟推轂浮海未桴及委身飼地蝮姜不  
就菹醢淮城危破竹故園芥丘墟彼黍何穢、翠華渺  
焉之扶桑暝日浴冕斷曲江春新蒲為誰綠騎鯨事已  
非葬魚勢轉促南紀訖朱厓一戰絕遺蜀旋開信文相  
繫頸繫燕獄又聞陸元樞抗節死彌篤二公風塵中耿  
介受命獨板蕩見忠臣百身竟難贖恭惟五季間永昌  
應符籙一舉平澤潞最後叔庸蜀文子繼文孫三才歸  
促育中更請康禍流血灑川瀆先堯躬再造艱苦蕪萎  
粥淳熙受內禪德盛仁亦熟寧理度丕承膏澤多滲漉  
內無褒妲患外絕安史黷威睨及闔寺屏氣但蹙跼向

非彼權臣玉食擅威福如何磐石固轉移僅一蹴淒涼  
數載間王侯之半菽九廟翳蒿藜丘陵游豕穀向來闖  
闖地雨露滋首霜老我亦何為窮途困羈束愁傷衰  
曳垢膩忘類沐蟄跡笑桓魋竊食愧饑鴛安得董狐筆  
直筆濡簡牘誅姦錄忠藎上與麟經續海寓今一家貢  
賦均四隩化日滿窮閭淳風變頽俗餘生幸未化刀劍  
易牛犢聊種邵平瓜且植淵明菊

宿高郵露筋

午發淮子口晚泊露筋北舟人指靈祠欲語輒嘆息伊  
昔避亂初女郎實英特行：侍丘嫂日暮雲氣黑嫂兮  
宿隣莊我寧止路側我生雖不及身秉貴弗慙草深聚  
蚊虫中夜紛鼓翼吮血嗜人膚其毒甚沙蜮女郎不肯  
頽筋露身亦蹈至今是邦人廟貌嚴血食惜哉歲月深  
姓氏不可識維士有百行維女獨四德貞潔一以虧姬  
姜徒國色所以古婦人送迎不踰闕嗟：露筋事可為  
百世則胡然世俗人所重在傾國

次韻答王國華

甚矣吾衰矣懷哉予歸哉雀屠不能化何用充海淮王  
郎東魯秀玉質離氛埃青絲絡馬頭嘯吟浮玉隈餘子  
錄：耳誰敢相朋儕一朝款柴戶巖若問子來又疑蒙  
穀士汗漫期九垓嗟我晚聞道可人常永懷亂後苦契  
濶襟抱無由開常深越鳥志自覩莊樸材感子慰離索

駕言且勿催人生駒過隙髮白不再孩雞鳴舜為善犬  
放軻所哀大字乃其潤末俗供驩吟勗哉聖賢事克此  
天降才贈言愧斐率過此誰能裁

贈胸山孫畫師

少年酷愛山移家入山住却來塵市中塵土泥中縷有  
持擬山遊大笑出門去二毛颯垂領乃之濟勝具歸來  
笏拄頤意欲凌風翳胸山有佳人以我愛山故九曲武  
夷溪移將置縑素禽鳥紛飛翔煙雲莽回互林深虎豹  
藏石怪龍蛇驚對此竟妄疫興與精靈聚相當盤礴羸  
下筆有神助不然方丈間那有許竒趣安得絹千足煩  
君畫茲圖

雙清堂詩為石民瞻賦

黃塵沒馬腹洪濤噴鷓首是身如轉蓬隨風任飛走歸  
來丘壑中高袖拄笏手牀頭一束書壁下一壺酒晨背  
對青山杖藜從白叟乃知羲皇上何嘗離北牖民瞻實  
可人青歲紆墨綬一朝拂衣去歸種彭澤柳蕭然林下  
意今無古或有富貴等浮雲斯須變蒼狗終南政自佳  
不作捷徑不仁者贈以言立名要不朽

山陽客中雜言四首

三載行萬里勞生真轉蓬轉蓬去日遠何時歸本叢萬  
古一生死趨競徒匆；况復遭喪亂天地多秋風退無  
鹿門隱進乏麟閣功一歲復一歲倏忽成衰翁嵇康殊

寡識陶潛真固窮蕭然北窓下瓶粟從屢空

秋帆泊淮浦小山條春風春風到花柳青、間深紅散  
蝶慰寂寞道與征夫逢為言喪亂後十室八九空村墟  
暗荆杞渚澤哀飛鴻奈何數下令科斂紛錯童語已仰  
天歎泣涕霑其胸嗚呼天地德微小無不容貴人豈不  
仁視汝如蒿蓬會聞賢刺史撫汝如漢龔征夫甫收泣  
悍吏來自東

衰年逢世變人世如蟻蝨憂端常瀕洞頭垢不暇櫛櫛  
烏終歲飛况復無寧日方春暫返權浹辰卧蓬華天風  
倏吹衣輕易復一出旅巢乏安枝如意十不一七能  
幾何日月過箭疾夜深不成眠吟虫助唧唧

淮城酒味薄酸澁如敗齏一千沽一斗聊欲舒慘悽壺  
傾不能醉羈思終轉迷因思古達士山林卜幽棲暴背  
坐捫蝨看雲閒杖藜理亂耳不聞其樂無端俛紛、彼  
俗子諂笑勞夏畦安知萬世下清風想夷齊

以竹院逢僧為韻集杜工部句贈宿林老別流禪  
師四首

卜居期靜處采藥山北谷崔下雲汀近逕轉山田熟回  
首望松筠登危聚麋鹿興深終不渝日暮倚脩竹  
松門耿踈影天黑閉春院長風中怒號白日遮隱見  
遠德過人秀發吾所羨晤語契深心風林展書卷  
道林才不世離別重相逢會面慰我久觀身向酒慵寂

寥人散後結構來重况乃清氣爽媚、林表峰  
浮生如過隙世故莽相仍畧稅林下鞅遠訪雲端僧願  
聞第一義將衰棋大乘清談有滋味小子得無厭

題王謝燕游圖為楊少監作

犧牛石馬出寶圖百年江左一夷吾西風不受元規汚  
八鑿指日還舊都天時人事重嗚呼翠幢金節聊燕娛  
堂、玉立森戟鬚猶似拱揖稱蘭闈公乎公乎真丈夫

右王茂弘

夕陽亭中語未已一合乾坤匝瘡痍蒼生望公、不起  
携杖東山玩山水神州陸沉寧不恥正賴絲竹陶寫耳  
淮淝風霍由容指固應該視桓元子吁嗟公乎真傑士

右謝安石



佩章齋詩集卷第三

太玉山人俞德鄰宗大父

古詩

暇日飲酒輒用靖節先生韻積二十首

世路日已迫吾行將安之醉鄉無畔岸俗似太古特一  
屢昔願受或者當在茲在茲竟卜築何為復狐疑但得  
酒杯在無整還可持

鼓力戰牧野采薇餓西山出處各有意喋喋俱空言不  
如得美酒一醉終餘年賢愚死則已死去知誰傳  
嗜酒有何好酒酣見真情忍斷杯中物而留身後名  
譽外物爾醉乃得此生神完氣不懾墜車終莫驚何必

事輕舉空同師廣成

餌香魚深遊弋篡鴻高飛高皓雖寂寞幸免阮焚悲云  
何容卿輩逐去還依、一朝歎黃犬骨肉棄所歸貴盛  
能有幾轉盼倏已衰、榮苟如此得酒無相違

山林厭岑寂城市嗟庠誼醉鄉有佳趣其地幽且偏清  
商叩前林白雲依遠山漁樵二三子朝暮相往還舉酒  
坐爭席亦復多至言

毀以是為非譽以非為是、非自有真不在譽與毀譽  
堯復毀桀兩忘固佳耳不見繒布紋眼醉眩成綺

三閭愛秋菊沆露餐落英獨醒鄙衆醉乃覺非人情楚  
乍如履仆一木那支傾離騷同情切話、如蒼鳴鋪糟  
何必惡一醉觀我生

霜松無悴色春花有餘姿勿以春花妍棄彼霜松枝悠  
、風塵中始見達士奇公田可種秫弦歌聊適為意俟  
即歸去五斗何能羈

涼颼起木末尊酒聊獨開、尊念故友亦復傷我懷翻  
然蹈東海甘與時世乖豈比為佞者日夕常栖、如何  
事與跡零落歸塗泥誅奸無董狐志怪空齊諧安知萬  
世下善惡無謬迷不知日飲酒勿使腹九回

輕風颼高幃搖、城西隅杖藜沾一醉雨霽泥滿塗欲  
借東家驢泥滑不敢驅歸來取敗榼悵然漚其餘一醉  
不易得醉鄉真可居

昔為飢所驅東書涉遠道俯仰四九年少壯忽已老引  
杯沃衰年杯盡顏復槁人生如電露安得長美好所以  
彼至人達生以為寶形全精不虧高蹈八極表

醉中忘世事猶有酒醒時未醒輒復醉乃得與世辭伯  
倫頌酒德佳趣端在茲云何禮法士聞風獨遲疑濁酒  
聊可恃淵明不吾欺去々勿復道有酒吾中之

百年三萬日已入桑榆境沈醉復幾時而今終日醒爰  
絲飲亡何此事要心領有錐姑處囊無用求脫穎霧豹  
亦何辜傷生在文炳

淵明昔閒居偶爾白衣至開尊得美酒忽焉遂復醉  
語聊自娛辭多失詮次安知後千年乃為世所貴詩雖  
有餘音酒亦有其味

淒涼山徑中々有一畝宅庭多鳥雀喧巷絕車馬跡卧  
病與世踈俛仰餘半百何以消我憂美酒浮大白獨欠  
高陽徒臨風臨<sup>增</sup>惋惜

昔我事決科窮年抱六經桑榆忽已變栖々竟無成歸  
來請學稼平賈充過更微絃挂空壁襜褕留前庭中夜  
耿不寐惟有寒蟬鳴不賴一尊酒何以紓吾情

園中有佳菊含采待秋風惜哉無美酒對此時一中誰  
如王刺史殷勤造龐通悵望復悵望雲山挂天弓

五十近衰境所戒當在得永懷第節輩三者一不惑寸  
田日敷蓄常恐易茅塞猶思普天下無有禁酒國一醉

終餘生不語亦不默

在昔盛壯時為貧亦求仕終然返故廬謀道不謀己豈  
不憂飢寒折腰固吾耻左手招夷齊右手揖綺里何必  
駟馬車策勳耀前紀時行吾則行時止吾則止行止未  
有涯醉鄉差可恃

道喪聖復遠姦偽紛亂真山林有逸士但飲曹參醇寧  
著羨夫論有死不羨新豈不羨爵位比肩羞董秦生為  
朝中英死為泉下塵奄忽隨物化營營徒爾勤不如寫  
之酒日與糟丘親秋渠溜宿雨園蔬含土津西郊澄霽  
景柴車行可巾有竟乃竟醉不問何許人

梁僕詣田所偶用開明庚戌歲九月中於西田獲  
早稻韻

人生念何事方寸纏憂端憂端日頽洞胡不思自安富  
貴等電露變滅無留觀百畝雖已隘朝耕夕復還秋風  
穉實實十口無飢寒何為苦役役而欲事所難所以沮  
溺徒不受名利干行藏隨用舍千載師孔顏作勞有餘  
暇柴門晝常關斗酒且自勞此外無足歎

連雨獨坐旅樓有作

淫雨彌半月河流漲通衢舊畿十萬家大半憂為魚旅  
樓起復卧神氣鬱不舒林林苦滴濕豈暇論侏儒緬  
十載間泮水頻三吳三吳莽一壑平陸紛施足老羸委  
溝壑少壯泣路隅鬻賣及男女庶幾活須臾民窮已到

骨乃復剥其膚自天發明斷元惡隨就誅疇咨用稷契  
躋世當黃虞政擬瘡痍瘳誰意疾痛呼陰陽繫調燮此  
理信不誣寄言秉均者治安宜早圖

為郭元德題和靖探梅圖

祥符真人調玉燭四海八荒春意足孤山小不容春  
十月梅花破寒玉風流詩老癖愛梅拂曉騎驢度山曲  
呼童忍凍折南枝香滿吟窓伴幽獨到今寫入畫圖中  
骨冷神清炯雙目蕩々魏々堯舜天外臣巢許誰羈束  
前年我亦訪湖山々色湖光竟塵俗荒墳三尺走狐狸  
那復寒泉秋薦菊真祠併入梵王家香月亭前馬牛牯  
水邊籬落忽橫枝遙睇猶艱况斤斲難園釋子皆鷹騰  
挾彈揚鞭驟平陸倉皇走避尚遭嗔寒衞何堪共馳逐  
三百年間一夢同人與梅花幾榮辱拊圖三歎復何言  
天外飛來兩黃鵠

次韻蕭靜安元夕書感

鰲山倚晴昊龍燈照澄川良宵重三五輦路凝非煙一  
從桑溟改春花謝芳妍銅駝暗荆杞觸目興悲憐芸々  
百千態悠々二八年金吾縱弛析相府誰歌連九衢燈  
火市愁雲霧窮天管寧東入海樂毅北去燕伊誰載美  
酒醉我東風前晨策散廣隰晚縹周囂塵所嗟世路迫  
人事多變遷歸來卧蓬華聊復草我玄

小樓詩為湯計議作

英：人中豪歲月閱江浪胡然構小樓不卧百尺上  
予一登臨規制差可尚座中容六客窓外羅萬象雲煙  
互吐吞岡阜相背向誰云眼界窄頗覺形神王乃知人  
間世小大俱幻妄壺公家一壺維摩室方丈擬茲十二  
樓鐘鼎視杯盞鵬鷄同一適椿菌偶殊狀何必事羣飛  
肆目逞雄壯深紅屋角花淺碧盆池漲且當共倚闌爛  
熯倒春釀

郭元德席上賦紅牡丹分韻得粉字五言十韻

桑田變滄溟黍宮離萬董霜臺得奇葩誰寄天津隱  
寒帷窺董園撥根認洛墳亭一萼春風露洗塵空未纓  
架赤瑛絳蠟照紅粉莊嚴富貴姿洩洩造化蘊主人戲  
斑衣領客醉芳醞橋梓森南山知謂遊隱斧綴席已形  
穢哦詩謾營吻起舞呼鳴君當恕楊惲

贈月蓬戴相士

雙眸炯炯秋蓬月十載聲名動京闕隆準龍顏曾為開  
麈頭鼠目誰能扶我聞論相先論心此語古傳非恍惚  
問問談笑覓封侯渭水垂綸飄白髮膾肝盜蹠以壽終  
趙蓋韓楊膏斧鉞相形相心兩莫憑使我向空書咄咄  
年來四海一鼓鞞蕭艾騰芳蘭蒞歇宣室寧無賈誼思  
侯門半却禰衡謂君歸若見表季徒造化韞藏須剝剝  
我今自分老山林渴飲壑冰飢食巖但煩一語抱璞人  
莫學卞和遭再刖

跋韓仲文所藏史共山草書

公孫大娘舞劍器張顛早悟回翔意學書學劍雖不侔  
用志凝神固無二瓘也得筋靖得肉聖趣誰能一蹴至  
我生憂患緣知書教兒僅使通名氏春蚓秋蛇自結蟠  
莫向兵曹甘委贄煙董屋漏玉軸妝何許天風劃飛墜  
讀一遺二口若鉗大草閒臨真自愧雖然非古空壯雄  
要是逢場聊作戲暮公懷素俱已仙世指周奴笑羊婢  
詎誇棄筆如丘山天闕剗藤煩嘆喟捲還鯨錦心和平  
塵席藜羹同吾事

古意八首

升穴九苞鳳荆州一角麟聖明久不作舉世誰見珍  
紛賀厦雀迺復為嘉賓嘉賓蓄爾輩麟鳳何由馴  
真玉名以石貞士誣以詐古今率皆然何事獨悲咤  
嗟爾卞和智乃在蔡下曷不韞璜藏待此連城賈  
麾戈指白日駕鴻凌紫烟終然意無補空羨龜雀年古  
來有介士采薇首陽巔雖非鍊五石名與日月懸  
孔明感三顧幡然扶漢家一朝赤星隕竟使蜀婦鬢雄  
圖雖未竟萬世常咨嗟老瞞志意滿一笑蠻觸蝸  
宋人得燕石寶為希世珍周容掩口笑乃復遭怒嗔  
闔茸竟尊顯賢聖多隱淪人物顧所遇何事徒悲辛  
突決華棟焚燕雀自娛樂風橫喬木顛藤蘿尚棲託鳳  
鳥固識時朝菌不知朔仞、何人斯曾次爾齷齪

神龍失靈凋翳形在勺水勺水不可容又復制螻蟻一  
朝駕大霆膚寸雲萬里始知勺水龍沛而有如此  
鼓鐘樂爰居藻稅居大蔡雲壑駘背人一生譽粗糲長  
鑿耕黃獨短策釣清籟富貴等浮雲達生誰芥蒂

### 贈丹陽邢尉

孟郊尉溧陽曹務綠詩廢徘徊金瀨傍府以假尉代一  
生坐詩窮酸寒見餘態邢君世業儒才猷乃十倍吏隱  
黃綬間詩亦性所愛羸駢京峴游古錦奚奴佩扣門索  
我詩丁寧至于再我老學殖荒久嗟詩方退腸肚綴煎  
煇落筆與時背况復風雅衰淫哇亂鄙叫濟南名士多  
此語出前輩我昔交教公夢寐想風裁西窓剪殘燭顧  
影寸心痲北渚凌清河平時接海岱子行賦歸與我實  
增感慨為吾謝故人德音幸時逮

### 猫燕行

燕飛畫梁猫越屋飛走性殊豈相毒飢猫攫燕欲何為  
燕比他禽况無肉可憐乳燕未出巢探頭伺乳聲嘲々  
母去不歸子飢餓柔而害物嗜汝猫汝猫不仁燕何罪  
我思里人為心痛父逃官通母繫官悍吏催錢夜打門  
一朝母作溝中瘠三女一子家四壁官司株連尚不休  
諸孤駢首為繫囚傳聞詔書復逃戶日夜號々望其父  
父存父沒竟不知此究此苦蘇何時皇天覆幬均四海  
人靈萬物為物宰民之無祿天薦瘡况此微物知奈何



呼童屑末哺乳燕一夜哀傷淚如綫

沽酒行

去年沽酒貫三百路途麴車常嘖、朝來啜菘暮食鹽  
汲井煎茶待佳客爾時石牀十二千仍更五千糴石麥  
米麴柴薪價倍增酒價雖增欲誰責昨秋一稔天所憐  
甌窶刈穫過良田大麥小麥今又熟麟經鬻鬻書有年  
年登未麥塞市廛官酒定價那增錢一朝酒家悉閉戶  
斗酒更欲沽二千道逢醉者驚相顧老夫倉忙問其故  
答云近日添課程去城十里皆官庫豈惟酒價今日增  
明日千、賣石醋乞漿得酒良已難或者乞醢鄰亦怒  
君不見昔時三百青銅沽一丰坊外酒徒猶忍口

陪趙明叔侍御茅山次韻二首

夷言衛侯說土風鐘儀操百年等逆旅南北俱勞、何  
如事幽討秋藜舒鬱陶上山拾瑤草下山折蔓茅尋我  
煙霞朋締此金石交胡然自局趣顧影悲繫匏歸去來  
山中山中有松醪

繡衣漢使者斧鉞常再操六條警吏膽一飯思民勞翻  
然拂衣去訪此華陽陶蒼烟鬱松檜白雲露管茅重岡  
暖霽合平時遠風交我愛龍池水願君酌霜靴商巖沛  
霖雨赴 流醪醪

次韻麟洲龍仁夫游三茅山

朝行良常南暮息良常北山水互縈紆松篁相依綠尚

擬效古人夜遊送秉燭嗟我獨何為紅塵走東軸有如  
嗜飲者性命寄芳醪時於茅檐下支頤望涼玉或夢泊  
西岩汎湘然楚竹終然纏世故欲往竟未卜安得乘天  
風翩然出鷲俗士生一世間衣食貴裁足誰為翔蒿鷄  
誰為冲霄鵠誓將與子游保此受命獨

次韻龍仁夫種菊二首

憂來感人心抱菊行東籬悠然南山句憶此刪後詩  
亡絕遺響菊在餘幽姿麟洲有達士與菊心相期左揖  
隆中老右揖綿上推況此忘憂物聊以任吾私真樂未  
易識勝事空自知金風撼鳴金英發垂我欲從子  
醉不羨高陽池焉知羨熙後此會非今時  
種菊東籬下菊密荒疎籬輟英范墜露想像淵明詩待  
嗟子龍子磊落山林姿欽翹二三客異郡同襟期而我  
何為者俛首供丁推寧復飲我酒歡飲均懋私乃知意  
氣合豈計新相知蹇予久衰曳素髮颯已垂何能借翻  
九一朝奮天池但當對菊飲與君廢醉時

題白廷玉所藏白馬圖

八尺龍駒蹄削玉霜毛霍鬣超凡俗驕嘶顧影食塲苗  
朝暮逍遙在空谷詔書欲下徵駢驎香街紫陌驚行人  
金環壓轡出天廐不數駉駉驪駒三品巨易飽終日  
終日不鳴輒點何如不繫六不維騰霧籟雲金玉質

次韻陳彥實醉中雜言

悠、廣陌塵冉、征途漸客征途渺無際人壽不滿百、  
年復笑何鬢髮早已白髮白無由玄擾、終莫益富貴  
勢熏天忽作冷灰寂突兀樹豐碑猶有金石厄所以賢  
達人萬古等朝夕俯仰宇宙間但恨酒杯窄持杯輒酣  
歌那暇寸陰惜

水墨蘭

三閭一朝蛻九畹千載荒茫、天壤內春在桃李塲幽  
蘭有貞質轉泛欺衆芳寧受緇塵染尚餘風露香乃知  
德勝色不采庸何傷

病中謝親友四首

昔年居窮巷門多長者轅一病逾十旬意可雀羅設往  
來問死生多謝跡不絕夫逢僕隸慰問猶切、嗟我  
何人斯才薄德又劣何以報諸公寸心常激烈

生平性嗜客病不廢應酬終然瘦骨立欲語氣不收客  
多語嘈雜兩耳鳴啾、登牀就偃息客語或未休客意  
豈不佳而我自作憂奈何坐客去林下多鬪牛

病骨瘦峻增僵卧難帖席一夕三四遷起坐長太息人  
患緣有身無身更何疾從今事委蛻夢覺非所擇須臾  
忽遽然又到華胥國何處發晨鍾耿、霜月白

一病連三月肥甘寧得知醫復戒食鹽、食非所宜素  
餐幸無刺餐素將何疑因思喪亂際黎民多阻飢朝餐  
乃木葉暮食乃樹皮我今食無鹽早晚白玉炊稽首謝

蒼天撥分猶過之

右四首作於易篋之際蓋至元癸巳三月十有三日  
晡時也黎明遂厭人世今二十年矣覽之愴然不勝  
蓼莪之感不忍廢去孤子庸泣血謹書



國家圖書館, NATIONAL CENTRAL LIBRARY, TAIWAN, R.O.C.

佩韋齋詩集卷第四

太玉山人俞德鄰宗大父

律詩

金山寺

僧舍高低見潮音  
曉夜聞仙凡一水隔  
淮浙半江分  
鷗冷山腰月  
龍嗷海角雲  
瞿曇端不動  
人世幾紛紛  
鷗寺東

曲肱

門掩青苔硯掩塵  
曲肱隱几自觀身  
已憐白髮無公道  
獨喜清風似故人  
躍馬卧龍俱寂寞  
盟鷗狎鷗莫逡巡  
東迴澗水通畦稻  
植杖看耘意更真

舟過桐廬作

三年常作客，幾度溯前川。  
山合疑無路，谿回別有天。  
虹分遙電雨，風裊近虛煙。  
歸路知多少，啼鵲雪樹邊。

陳索郎灘

去國踰千里，辭家過十程。  
飯炊雲子白，酒醉索郎清。  
柂振秋江駛，帆開暮靄輕。  
聖明方在御，何地不昇平。

行壽昌道中

山色少桑麻，清溪卷素沙。  
岸崩橋半斷，村僻路三叉。  
廢渡留芳草，深溝卧古槎。  
老翁苔石坐，猶問自京華。  
芳草渡在

西縣

庚午讀邸報

西北干戈碎未闌，蒼生誰與破愁顏。  
甫聞高議雲臺上，又見投身瘴海間。  
天地千年氛霧暗，江湖萬里鬢毛斑。  
欲尋酩酊判豪飲，郊外旗亭半掩關。

閩築鹿門

干戈又繞鹿門西，清夢猶應憶鼓鼙。  
可歎遭逢誇二鳥，卻令經濟屬三犀。  
腐儒閑事惟蒿日，聖哲知幾莫噬臍。  
曠莽氛祲何日淨，春江飛雨漲芹泥。

金陵板橋別第

江郊憶舊廬，送爾復躊躇。  
別慣不盈夢，情多懶寄書。  
江湖歸棹遠，風雨夜林疎。  
杯酒慈顏悅，離愁賴掃除。

古寺

古寺接荒城浮圖倚太清松環嵐翠蔚泉激澗虹明僧  
定花開落人行鳥送迎西枝如可卜吾欲證無生

秋日客中

楓落秋江塞鴈賓客懷依舊憶鱸葦百年三萬六千日  
半世東西南北人蒲日空村爭虎豹何時高閣繪麒麟  
由來管葛皆天意霄漢泥塗任此身

書齋

寂寞書齋萬慮空恍然赤甲古城東烏呼坐夢日方午  
花慙醉吟春正中軍將送茶驚諫議門生載酒過揚雄  
飛詩識字皆為累閒殺江頭獨釣翁

贈靜齋趙使君淮

兩翁今古妙經綸續々家聲屬後昆黑髮珥貂依日月  
金雞絡馬半乾坤千年帶礪河山在一脉詩書禮樂存  
我本信菴門下士祇今彈鋏向誰門

常山道中

縣古浮梁外沙平草樹秋遠山明去路驟雨咽鳴鳩岸  
狹水痕漲雲歸暝色愁誰憐蘇季子塵土浣貂裘

鷺鷥林

客久勸欵峯尋幽洗客襟情烟楊柳岸白酒鷺鷥林當  
戶孤峯秀環溪萬玉陰留連不忍別月落砌苔吟

白兔山菴

清江田舍已悠々謾結茅茨傍小丘月冷雪窓迷扑握

山連烟草叫鞦韆了知世事同槐蠹何有機心到海鷗  
却笑東坡老居士一生隨處賈胡留

次韻朱子厚九月十一日見寄三首

三載干戈隔勝遊江山依舊鬱相繆蒼吟砌壁莓苔古  
鴈落河沙草木秋畫角飄江徇北固白雲飛岫認東甌  
凭高望遠心如醉風岸烏巾雪滿頭  
淒涼風雨暗山薇夢裏歸興迄未歸禮樂不存三代遠  
江山如故六朝非讀書老去翻成癖煮字從來不救飢  
短褐長鑊真活計載芟何日詠春祈  
冷雨淒風萬木飛年來世事不勝悲青山白水新安道  
雲夢綠林蕪府詩者舊源零今有幾乾坤翻覆政緣誰  
鬢絲一夜三千丈甚矣吾衰如此衰

登六和塔

僧舍倚松北浮圖界竹西江通巖瀨遠雪壓越山低槐  
里三原隔襄城七聖迷臨風悲往事月落凍烏啼

客中別友

語別莫忽、情懷彼此同山川秋色裏風雨客愁中故  
國俱離黍勞生共轉蓬鼓鼙聲一槩何處是遼東

次韻簡黃監簿淳宗三首

流年暗數手中著短髮鬢鬢每自悲金甲牙旗非昨夢  
黃蘗白米慰朝飢山湖萬里歸新主湖海三年隔故知  
惟有浣花堂上燕春來依舊不相遺



桂樹團：滿故山一尊風月羨君閒  
交游副墨洛誦裏  
詩句生民清廟間  
我輩無才難用世  
故人厚祿竟何顏  
西樓十二欄杆月  
清夢應須共往還  
化鶴遼東老令威  
舊家華表未能歸  
三千里客貢禹恨  
四十九年蘧瑗非  
事與心違多感慨  
人隨世易重歡歎  
黃華老盡秋容淡  
何日西山薄采薇

次韻碧窓聶道錄

曾蟠今古袖披、老作黃冠恐未宜  
遼鶴不歸人已換  
濠魚自樂子何知  
瓠留西域青精飯  
杖荆東川紫玉皮  
我似淵明君陸靜  
相看一笑儼前時

摩

卧聽窗外撲春虫  
透曉綫攬太空  
萬運千山孤鳥絕  
八荒四海一雲同  
寒聲靜起瀟浮外  
生意深藏肅殺中  
乘興經思游刻曲  
狼烽明滅又天東

哭塗移愚教授

北固登山屐西園載酒船  
論心今一世握手後千年  
湖海風波惡乾坤雨露偏  
無因見宿草流淚漲黃泉

春日苦雨

礮車雲起走豐隆  
河伯重驅十二童  
山竅號風雷破柱  
海門翻浪雨飛空  
一春狂犬吠日出  
三月老農愁歲終  
斗米換衾寧計直  
却宜家近漏天東  
日、盲風怪雨間  
百花顛顛委暮管  
鮫人停杼疑翻海

河伯移宮欲近山，裹飯有誰來問病。  
挑燈老我獨愁顏，九疇何日重浮洛。  
川鎖支祁鼎鑄姦。

金壇邑中作

菰蒲風起雨濛濛，萬室參差浸碧瀾。  
一鶴歸來城郭改，二龍飛去洛波寒。  
松迷舊逕猶存寺，蛙聒新畬總為官。  
却喜故家文獻在，半從鞍馬半儒冠。

次韻陳登文桃花

臺榭羣芳散綺葩，繁枝密幹蔚交加。  
武陵溪畔秦人洞，濯錦江頭杜老家。  
風攪亂紅春過雨，露滋微艷曉籠霞。  
長安重到應惆悵，寂寞空都燕麥斜。

贈蔣艾學三首

車聲馬蹟任營營，蘆溆衰羊境景清。  
萬卷圖書雙鬢老，五湖煙浪一舟輕。  
忘機已信馴鷗狎，洗耳那愁鬪蟻驚。  
更喜甌窰秧水足，倚風扶杖看春耕。

龐眉鶴髮一詩翁，肯伴漁夫理釣筒。  
蘆溆柳塘新雨後，竹籬茅舍晚烟中。  
鄉書再捧衣猶白，村酒頻沽頰借紅。  
萬事無言歸一笑，仲車元不是真聾。

憶昔携書袞繡堂，扁舟曾此濯滄浪。  
蒼龍飛去未成雨，老鶴重來知幾霜。  
人物半凋嗟世事，典刑猶在得詩章。  
何當去卜西枝隱，同汎漁舟夜擊榔。

記夢

雲封槐里黯平蕪，無復魚燈照玉鳧。  
樂奏馬驚猶奮鬣，

鼎成龍去莫攀胡老歸燕國常悲隴夢斷滎河偶得圖  
浮景布衣今白髮西風搔首獨踟躕

午睡

赤未黃齏雪白鹽圖書滿架絕韜鈴百年無補孔融愧  
三葉不遭顏賜潛去住任如巢幕燕開關誰學上竿鮎  
幽居暇日知何事一半清談半黑甜

泛湖

閒居散人事一舸泛長湖夜雨半篙符春風十幅蒲功  
名槐國夢身世朝川圖艤岸逢林叟清談日又晡

金壇郊外

散標過平堤前村雨一犁草荒翁立樹密鷓鴣啼野  
野色連天遠溪光隔岸迷干戈猶未息何處足幽棲

八月十五夜

捲盡頑雲玉漏中月華如水浸層空一輪圓缺常時見  
萬里陰晴此夜同兀突樓臺猶白日高低未忝自秋風  
轉蓬地遠歸心折尚想霓裳無舊宮

觀潮

疆弩驅潮水為東昔年此地識英雄素車白馬空明上  
青蓋紅旗滅沒中十萬軍聲西塞月三千鯨浪北溟風  
乘槎有約終須去見說銀潢與海道

古琴一張徽絃不具持贈劉漢卿經歷因賦

枯桐三尺虞龍紋爨下新焦偶未焚七竅已開猶渾沌

一絲不掛絕聲聞，至音澹薄何如默。大道希夷豈在文，持贈要知絃外趣。美哉斯意憶河汾。

### 閒居即事

塵外江村野老家，窮年兀兀笑盤渦。素琴橫膝一尊酒，紗帽籠頭七碗茶。編竹作橋看蟻渡，種花成塢聽鶯衙。閒中自有經綸事，寄語時人莫笑譁。

### 次韻陳登父小樓述懷

慷慨悲歌續五噫，等閒觀物倚筇枝。士龍瓦屋西頭住，吏部霜螯左手持。湖海悠悠空拓落，風埃冉冉竟衰遲。登樓作賦羞王粲，寂寞歸與理釣絲。

### 通津田舍

汀葭江蒺兩依依，鷗鷺相親寂不飛。僧入翠微雲伴去，牛耕白水犢隨歸。古今賢聖多蕭索，王霸干戈有是非。老病憂時心力弱，可能此地得魚磯。

### 游鶴林寺

步屨叩禪扉，春山碧四圍。天高黃鶴遠，仙去杜鵑非。拂石雲生岫，攔松霧濕衣。幾生通佛性，一昔遂忘歸。

### 客懷

客懷元自惡，歸思浩無垠。愁織窓前草，情淒岸曲蘋。十年紛戰伐，四海暗風塵。故舊無消息，西風淚滿巾。

### 夜坐

蒲團疊膝誦南華，蓮勺燈明細吐花。客有可人期不至。

鄰無美酒夜難賒  
濕星釀雨愁飛鴈  
枯木號風怨宿鴉  
自笑不眠還不倦  
城頭嗚咽又鳴笳

次韻陳登文送春有感

同谷歌殘返舊蹊  
園林寂寞半蒿藜  
憂時頓覺愁如海  
對客何能醉似泥  
春去春來人漸老  
城南城北望猶迷  
鼓鼙一槩旌旗滿  
何以車書混棘鞮

臂疾示兒

臂疾侵淫骨半枯  
蒲團毯被學跏趺  
宋清藥券債未了  
司業酒錢來便無  
湖海漂零銷壯志  
風霜荏苒上吟鬚  
征遼挾矢知無分  
老向新豐倩汝扶

閒居遣興

數間破屋玉川家  
紗帽籠頭自煮茶  
萬卷圖書三尺劍  
半窓風雨一池蛙  
詩情寂寞腹無稿  
老態侵尋眼有花  
鼎鼎百年成底事  
醉鄉端的是生涯

次陳登父中秋遊古竹院韻

閒過竹院聽華嚴  
結願清香發舊奩  
灑氣平空浮桂魄  
涼風三迳拂松顛  
酒闌野興歸長笛  
吟罷秋聲落短簷  
終日昏々真醉夢  
幾時游屐更苔黏

秋殘

樂天老矣放樊蠻  
鷗羨忘機鶴羨閒  
緩步當車休下澤  
澆愁得酒即中山  
吟騷豈敢奴僕命  
伊呂元非伯仲間  
兀々夫頤秋又晚  
亂雲斜日澹煙鬟

養拙

養拙柴扉百慮疎  
天光雲影亂秋渠  
一身搖動未妨酒  
兩眼眵昏猶嗜書  
陶令但知歸有菊  
馮煖忍歎食無魚  
閒中滋味君休厭  
門外紛紛幾覆車

無題二首

杯酒河橋餞去蓬  
誰知此別竟西東  
隙車冉冉歲華改  
樓燕飛飛春事空  
珮冷江皋淒落月  
笳吹朔漢動悲風  
芳魂寂寞揚州路  
后土瓊姬恨畧同

花柳亭臺半劫灰  
故人淪落共徘徊  
湖光山色西施舸  
水影月香和靖梅  
鴻踏雪泥猶記跡  
鶴歸華表總成哀  
一尊濁酒和愁酌  
淚洒東風醉玉頰

正月十日理髮三首

多病多愁鬢已星  
更憐詩骨瘦嶮嶮  
百錢挑杖但求醉  
五斗折腰良不能  
徒步幸無官長罵  
浩歌聊襲散人稱  
世情閱盡忘今古  
一合乾坤幾廢興

竊歷勞生嘆轉蓬  
百年強半走西東  
從師謾學屠龍技  
報國元無汗馬功  
二頃有秋生足計  
三杯近卯客愁空  
兒童相見徒相笑  
兩鬢絲絲一老翁

晨梳白髮照青銅  
嘆息光陰過眼空  
一市少年羞袴下  
三朝新婦閉車中  
酒逢知己猶堪醉  
文不驚人莫送窮  
天下士憂天下事  
肯將飛伏較雌雄

送王舍人之燕山

柳媚花明二月天，金羈終馬路三千。  
鱸鯨得意縱濱壑，鼃蚓無知鬧坎泉。  
今古不磨惟正理，是非何必待他年。  
離騷已信多忠憤，珍重毋忘鵠羽篇。

游宣慰載酒泛溪即席有作

五載緜袍憶故人，春風吹鶴過湖濱。  
樓臺冷浸兩溪水，天地清無一點塵。  
棹底空觥今杜牧，井中投轄舊陳遵。  
萬方一粟吾安往，尚許誅茅竟卜鄰。

陪游宣慰遊雲歸賦

渝望平山碧四圍，鷓鴣啼處見柴扉。  
白蘋初起雨初歇，綠葉乘陰春又歸。  
野外樵夫紛避道，溪邊鷗鳥獨忘機。  
深杯百罰人扶醉，一枕西軒月滿衣。

次韻簡林紹先諸友三首

宦路風波渺望洋，幾人赤馬旦蒙霜。  
便、懶是誇經笥，嗔、從渠笑酒囊。  
花柳春風朝步屐，菰蒲春水夜鳴榔。  
人間別有桃源路，肯為浮榮替戾岡。

納、乾坤萬彙溢同聲，同氣自相宜。  
江山今古幾興廢，湖海交朋屢別離。  
落月照渠疑太白，西風揮扇障元規。  
老來萬事如泥濁，一笑論文祇自知。  
載酒湖山憶盛年，可憐風物竟淒然。  
杜陵野老哭春日，空谷佳人倚暮天。  
禾黍離、迷故國，旌旗杳、徧南徧。  
虎皮何日包弓矢，老為羲黃受一塵。

客愁夜雨

世路馳驅力不任，老來世路轉嶮巖。  
小窓一夜芭蕉雨，倦客十年桑梓心。  
黃紙紅旗違壯志，青尊綠醕笑孤斟。  
故山何日真歸隱，礪水松風直萬金。

息寮王教授挽詞二首

黃鶴山前蠅骨仙，鮑餐玉藻漱珠泉。  
酒酣拓戟老工部，官冷無氈貧鄭虔。  
四海風埃方塊莽，一生岐路幾連邇。  
公今得向揚州死，况復懸車過八年。

昔年林下拜龐公，數樹梅花一畝宮。  
寂寞吟情頭畫鶴，摧頽病骨氣如虹。  
祇今有子能傳業，誰念無錢解送終。  
千古幽扁鄰牧惰，遙憐環珮月中會。

情翁

梅雨

宇宙冥冥，四月時小齋吟眺。  
苦低垂江城地僻，莓苔老山徑。  
雲深草木滋密霧蒙，籠翠幄輕烟冉。  
散青絲楚宮幽珮，勞魂夢西望巫陽，祇自悲。

老病

老病幽棲覺懶吟，眼觀時態獨關心。  
古今不混春秋筆，天地難欺暮夜金。  
幸有別腸堪貯酒，未愁短髮不勝簪。  
柴門一閉從春盡，桃李飛花葉又陰。

遣懷

擾攘乾坤幾戰塵，南山北闕意逡巡。  
病思隱語呼庚癸，老怯流年避己辰。  
三顧恐無開濟術，百年湏了去來因。



鹿門有約吾將隱  
倚杖看雲老此身

佩韋齋詩集卷第四



國家圖書館, NATIONAL CENTRAL LIBRARY, TAIWAN, R.O.C.

佩韋齋文集卷第五

太玉山人俞德鄰宗大父

律詩

送劉伯宣尹松江府五首

來往燕鴻異道遙，鵬鷄同古交。  
千載上餘論六經，中瓜渚茅檐。  
月燕城柳岸風，寸心談未了。  
擢士莫怨，官途昏抹漆。  
達士久悲絲，汲直世多忌。  
父清人不知，隆汙俱合道。  
行止要隨時，富貴真槐蠹。  
千年看鼎彝，兵燹三年久。  
瘡痍百姓同，政須隨日化。  
心要與天通，刻木難期對。  
屯膏施易窮，松江三萬頃。  
盃水愛任公，事叢緣罔密。  
意廣忌才踈，浩皇風遠遲。  
化日舒俗

移三紀後德洽百年餘  
攝伏非仁政生民本一初  
烹鮮知政理履豨識民心  
土壤分南北詩書亘古今  
遊方猶戰伐癘老正呻吟  
三尺焦桐在煩公發至音

次韻崔郎中遊西湖

萬頃湖光一葦航  
畫橋橫接舊堤長  
松環九里煙雲濕  
梅壓孤山水月香  
梵宇琳宮增突兀  
銅駝金谷自淒涼  
悲吟一夜頭添雪  
慚愧崔鴻在洛陽

范仲山以礪谷居自號為賦二首

山林朝市兩相忘  
寂寞幽居興味長  
雨過竹侵書帙淨  
風輕花落硯池香  
三杯卯酒醉未醒  
一枕午窓更涼  
人境結廬元不俗  
淵明何必定柴桑  
丘壑中間著幻興  
何如此地卜幽居  
暮聲夜靜客飲酒  
花影晝閒人讀書  
塵世覆蕉多得鹿  
癡人緣木更求魚  
先生夢覺渾無事  
一笑浮雲指太虛

山房遣興

三徑嵐煙護碧苔  
地無高下總栽梅  
花隨流水遠除去  
雲共好山排闥來  
月冷蛙聲誼鼓吹  
風清蜃氣聳樓臺  
過逢况有侯芭在  
白首玄經未足咍

遊靈巖

躡石捫蘿一徑通  
凭闌極目思無窮  
川明竹樹蕭疎外  
人語煙雲杳靄中  
風月五湖西子舸  
樓臺千古梵王宮  
艱難隱遁尋幽憩  
晤語無人憶贊公

次韻趙提舉二首

白首空經病子雲感時懷舊獨霑巾十年戰伐多新鬼  
四海逢迎少故人上苑鶯花非昔日曲江蒲柳為誰春  
湧金香酒甜如蜜滿眼沾來莫厭頻

寂歷謀生後計然已將窮達付蒼天徂公枉自計朝暮  
徐邈但知中聖賢歲月催人如過隙功名隨世任先鞭  
絲：燕雀驚鷹隼誰識圖真在左綿

山林樂四首

山林何所樂忽々遂忘歸江濶天低水山深霧濕衣青  
蟲當戶織白鳥背人飛野性因留滯非干與世違

山林何所樂佳興四時同琴罷庭留月酒殘松度風  
雀歸蒼漢外猿叫碧蘿中却笑磷溪叟區々理釣筒

山林何所樂所樂在琴書醉買中山酒遊乘下澤車  
結交忘鹿豕分席混樵漁何必桃源路方為隱者居

山林何所樂幽處兩三家曲徑新移竹疎籬舊著花  
嵐煙千嶂合野水一橋斜誰道無音樂漁陽有慘澁

淮楚絕無行樂地萬柳池邊有開元小寺稍潔因  
載酒約淮上翁荀桂叔林紹先諸友同遊

柳外澄波繫小槎玉皇宮畔梵王家蟻浮臘味杯行酒  
雀避晴煙竈煮茶客裏招邀慙草色座中露洽笑蘭菊  
杖藜歸路西風晚一抹寒林萬點鴉

次韻夏楚材登山陽故城有感

金粟松摧故國荒，春秋未作嘆詩亡。  
十家漂泊家千里，百代興衰夢一場。  
蟻浦風清波鴨綠，漁梁春暖酒鷺黃。  
相逢且盡尊前醉，莫遣愁多白髮長。  
漁梁溝在山陽城外十餘里，多美酒。絕勝沽故云。

初度留山陽

茫：南國編旌旗，九日明朝有所思。  
元亮暮年書甲子，靈均初度憶庚寅。  
魚龍寂寞秋江濶，豺虎從衡客路危。  
歸去白雲堪共卧，萬山深處結茅茨。

答淮上翁二首

風雨淒淒，戰客衣長淮東去，鴈南飛。  
碧山學士老復老，芳草王孫歸不歸。  
尊酒細論悲昨夢，囊書空負笑前非。  
木奴千輩侯千戶，早晚應須賦式微。

京江話別十三春，宇宙茫茫幾戰塵。  
客路秋風欺白髮，陰房夜雨濕青燐。  
杖藜嘆世悲誰子，懸印朝天少故人。  
回首鹿門思舊隱，荒墳宿草更沾巾。  
末句為澄齋劉先生云，先生名兮字遠器。

懷林紹先三首

長淮哀濁瀾，春半尚嚴寒。  
久客愁無寐，懷人醉不歡。  
讀書狂李白，忘事老師丹。  
何日歸林下，悠然飯一簞。  
歲：苦擔簦飄然雲水僧，星霜變玄鳥。  
天地有青蠅，留滯慵僮僕。  
懷歸畏友朋，求田端有暇。  
誰復問陳登，霸懷不自慊。  
明日又花朝，我畏杖藜遠。  
君難折簡招愁。

長憐髮短室通嘆人遙剪盡西窓竹憑誰慰寂寥

富山陽天慶館作

紫氣浮關悵客情琳宮羸卧絕逢迎長廊夜靜蛩吟苦  
古殿秋深鶴唳清勾漏丹砂何處問藍橋雲液為誰傾  
捲簾殘月斜窺牖街鼓鼙々又五更

次韻陳教授見寄二首

藜林聽雨卧雨霽抱琴行古徑荒苔合秋渠墜葉平流  
年悲鴈影往事咽蛩聲誰識立都觀劉郎舊有名  
江城吾舊隱今歲喜秋穰一頃南山豆千畦負郭薑看  
雲扃戶晚對月引杯長他日憑魚鴈猶堪話楚狂

送程道大歸新安兼簡憲使盧處道學士四首

勸客思歸整旆鞍班荆祖道駐江干浮雲流水別離易  
明月清風會晤難移妓東山須載酒上書北闕莫求官  
諸公袞々君休羨得馬還將失馬看

十年故國黍離々一日翩然賦式微儒服政憐山鳥怪  
機心何獨海鷗飛山中朝露閒觀槿嶺曲春風自采薇  
蒼狗白衣從變化是今非昔々誰非

我生慙愧賈胡留暮鼓晨鐘復報秋萬里橋南存舊宅  
十年客舍尚并州青山是處堪埋骨白髮新來漸滿頭  
此日送君何限意長江萬折有東流

戈々束帛賁丘阿有幾英雄入網羅少室山人徵不起  
貞元朝士已無多聲光赫奕埋輪使音調淒清扣角歌

傾蓋相歡應恨晚喬松千尺有絲蘿

道大有集名扣角吟

次韻程道益見贈二首

此生慚愧馬牛襟反鎖柴門歲月深避地管寧甘白帽  
登臺郭隗自黃金風霜漸老騷人鬢天地元知國士心  
卻喜程侯晚相遇長魚碧酒共清吟

十載時艱淚染襟餘生幾擬託幽深正夫無罪空懷璧  
校尉有官從摸金老去風塵猶昧眼春來藥裹更關心  
草玄作賦吾何敢梁父吟成祇自吟

病中三首

病來十日閉茅廬孤負吟詩與著書牀下不知牛是蟻  
濠間誰識子非魚羸形分絕麒麟畫老境堪同鹿豕居  
坎止流行隨所寓分明天地一蘆條

腐儒羸羸愧無功一月兼旬卧病中賦就但應增肺渴  
檄成元不愈頭風移心有法難忘藥折臂無緣定作公  
世事漸艱吾已老偷然夢不到槐宮

婢尋本草犬迎醫二豎驅除去復隨衰老維摩常示病  
瘦生杜甫不關詩門堪羅雀那容駟釜不烹魚但作糜  
見說九重徵武士卻須攘臂學支離

故舶使知泉州趙公挽詞五首

閩越驅馳後乾坤震蕩中名雖高北斗身竟老遼東仕  
止因時異悲懽與世同洛濱多侍從立懦獨清風  
慷慨辭雙節逍遙寄一筇揚雄雖若鳳老子自猶龍鬣

月窓前草悲風隴上松遺民應巷哭何但輟秦春

壯歲風雲會衰齡岸谷遷芾堂南國裏細柳曲江邊天

地紛戈甲園林寂管絃康成共丁卯肯避己辰年公諱

號月山生于丁卯

卒于辛巳故云

日起

杜陵作稷契諸葛陋袁曹道在七分易文過九辨騷丘

原終古閉嵩嶽極天高况復堦前樹于今有鳳毛

世梗投林蚕人稀寄驛遲一朝傳易箒千古竟騎箕斷

鼻空悲郢援琴謾憶期薤歌嗟已晚生死負恩私

### 秋壑堂

衮繡三朝樂盛時湖山廊廟兩樓遲一聲鼙鼓乾坤沸

萬里煙塵草木悲隔葉黃鸝空睨睨定巢紫燕尚差池

### 懷聶道錄二首

形影參商已六春、風吹夢益霑中江頭楊柳送行客

窓外梅花疑故人世事茫、山嶽隔年光冉、燕鴻新

一尊何日重携手鶴外乾坤迥不塵

夜鶴朝猿伴苦吟碧窓靜鎖綠雲陰青精可飯藥資乏

黃獨無苗山雪深豈有故人分祿米但聞隱士寄焦琴

相思一夜生春草明月滿街天籟沈

### 病愈出游

桐帽椽鞋破曉烟落花飛絮暮春天風簷轉日噪乾鵲

雲樹隔溪啼杜鵑客引茅亭沽舊酒僧邀竹院話枯禪



病餘一事還堪笑脚力輕鬆倍去年

舟行欲訪三茅踐許宗師鶴會之約

礪飲巖樓願已違小舟拂曉泛漣漪蒲叢露冷泣姑惡  
木末雲深叫子規山近三茅便杖屐酒沽五里帶糟醅  
乘風徑擬尋幽躅莫負當年汗漫期

夜卧旅邸夢入三茅山一道士病一道士斲睡因

作詩紀其槩云

夢入三茅叩玉扉樓臺金碧淨朝暉巖花澗草高低見  
田鶴沙禽下上飛道士倚牆方熟睡至人杜德不言機  
人間天上元非遠非想非非更覺非

人日

人日吟宮滌硯塵官擘蘭笑鄉鄰山人雅愛終南徑  
詩客空懷渭北春譽毀蓋棺猶未了勲名看鏡不須頻  
從今好是支離卧有客問余方負薪

郭朝奉挽詞二首

性儉家常足心閒體自胖令名緣有子良貴不須官遺  
濼衣冠古高堂几席寒他年說者舊回首重辛酸  
世態十年別交情奕代論及門先倒屣引酌定空尊杖  
履春風語松夜夜月兔些成嗟已晚江濶聽啼猿

悼俞仁則仁則自號藕汀

藕花汀畔柳絲垂杯酒殷勤話別離風雨對林空有約  
池塘夢草竟無詩荒墳日落誰人弔萬屋苔深獨我悲

畢竟功名大槐國排雲書在即豐碑

吳門逢友人

澤國江山冷戰雲扁舟春曉忽逢君荒城鼓角含商氣  
舊曲樓臺暗楚氛海燕認巢迷故主苔蝸篆壁變新文  
更憐庾信江南賦音調淒清不忍聞

送張師道

七閩幕府藉詞臣一笑平章草木春制下九重新渙汗  
曾蟠千古舊經綸生平耻不為伊傳夜半何須問鬼神  
無限焦枯待霖雨好將斯道覺斯民

送道士孫雪房

霧豹文章野鶴姿黃冠晦迹溯江涯携家擬就鹿門隱  
奏賦何期狗監知觸熱問塗行有日排雲論事豈無時  
太平上策須傾倒更憶崆峒麥熟詩

送董左丞二首

帝曠東南用正人角巾歸第請何頻相公久矣勅台鼎  
故國依然倚世臣霖雨合歸天上作忠言須造榻前陳  
大夫出處非徒爾四海安危寄一身  
煌煌勳業繪凌烟共說韋平有世賢黃閣崇樞名將相  
涼臺煥館半神仙百年富貴真槐國一日清閒勝葛天  
祗恐九重方側席東山未許遽高眠

佩韋齋詩集卷第五

佩韋齋詩集卷第六

太玉山人俞德鄰 宗大父

律詩

閒居遣懷

密樹幽花似遠村，  
循除流水自渾渾。  
無僧肯送盧仝米，  
有客時過陸抗門。  
片暈河天魚散子，  
泥融雨徑竹生孫。  
十年四海干戈滿，  
似此遺民幾戶存。

為湯提刑賦南園玉繡毬花二首

繡衣持斧舊詩翁，  
天與奇葩襯綺櫳。  
翠鬣葉攢珠的皪，  
碧搔頭映玉瓏璵。  
氤氳香霧迷叢蝶，  
淡沲晴颺颺轉蓬。  
安得素娥斟綠醕，  
緩歌一闋月明中。

愁煙泣露泣明妃，萬蝶魂迷勅不飛。  
帳簇流蘇相翡翠，塔翻蹴鞠落珠璣。  
瓊葩分韻香疑減，柳絮成團似卻非。  
風雨朝昏他日約，忍令容易失芳菲。  
霽窓孫使君題南園詩有日遊人只解遊晴畫風雨朝守盡屬君

次韻陳靜佳詠梅

玉骨冰肌不受塵，紛紛紅紫謾爭春。  
最宜岩壑風霜夜，相對心腸鐵石人。  
寂寞上林迷霧苑，嵯峨巫岫隔煙津。  
脩然自得閒中趣，肯與姚黃作素臣。

古寺

古寺倚崢嶸，春風信馬行。  
猿吟千樹暗，僧定一燈明。  
野水循除出，庭莎浹徑生。  
云何多俗韻，一宿又江城。

故樞密使陸公挽詞三首

公諱希夫字君實

杞國天將壓，蒼梧雲正愁。  
龍胡垂可挽，魚腹葬何憂。  
萬死丹心在，千齡王氣收。  
縣知精衛，忽今古不能休。  
七朝迷瘴霧，一昔倒狂瀾。  
天意竟難料，皇圖不再安。  
寧甘蹈東海，不忍繫南冠。  
自古誰無死，從容就義難。  
羣雄紛愛死，一士獨捐生。  
層數絕誰續，綱常悔復明。  
人皆念王蠋，天豈禍程嬰。  
淚眼休枯盡，他年看史評。

次韻答鄴學正見贈三首

雞鳴羣動已憧憧，習靜工夫自笑慵。  
風月一襟霜兩鬢，圖書萬卷酒千鍾。  
維摩示病元非病，李廣難封不願封。  
世道隆污隨所適，我知老子本猶龍。

蕭森竹栢小蒲菴身世嵇康七不堪眼底故人俱寂寞  
鏡中衰髮自盤髮過車慷慨陳清酌舊館殷勤說左驂  
老我與君同此意絲絲輕薄不須談  
粥飯随缘類出家小瓶汲月自煎茶浮榮等是蕉中鹿  
薄俗堪憐井底蛙南畝半栽元亮秫東林多種邵平瓜  
青鞋布鞵相隨去九陌紅塵任汲車

次韻陳教授見寄二首

擬效時人恥效尤時人嫉我亦如讎携金嬾市燕臺駿  
賣劍聊尋北海牛白髮盈簪羞我老黃花滿徑為誰秋  
尊前有酒休辭醉癡絕由來愛虎丘  
朝暮何人肯拔尤周民何友亦何讎還家久類蘇耽鶴  
洞世聊歌審威牛筆在不妨書甲子詩亡誰為作春秋  
百年修短終歸盡倚杖看山任白頭

夏五園亭對雨漫成六首

野鶴乘軒愧不才柴門鍵密書慵開荒亭鎖霧紅葵老  
古木號風白雨來酒免官沽時一醉詩非私貸日相催  
人間萬事皆兒戲千載昆明幾劫灰  
從來工瑟莫吹竽赤米黃齏儘自娛種柳藏鴉聊哺母  
葦巢護燕待將雛荆榛少剪但陰道瓜芋多栽莫問區  
金馬玉堂元有分青銅慚愧白髭鬚

鏡中勲業不須論拭髮何由得馬肝日暮論文思李白  
年衰忘事類師丹幾多歸燕愁無主是處鳴蛙總為官

多謝天公相勞苦梅風吹雨長琅玕

五噫休作不平鳴世事悠悠奕一枰歌有紅兒休用比  
酒無白墮亦須傾青山倘是埋骨好素髮何嫌照眼明  
鼎、百年三萬日曉烟收盡暮雲橫

雨霽雲收正午天槐陰翳、北窓眠百年未了暫為客  
一日得閒真是仙美酒但尋知己飲好詩休用俗人傳  
山林鐘鼎知誰是輸與鴟夷理釣船

有酒能澆磊塊曾人生何處不從容橫飛遼海成孤鶴  
老死南陽六卧龍習靜一丘聊自足逢時萬戶莫先封  
梧楸門巷將迎少澗曲分畦學老農

秋泊吳門寄友

尊酒旗亭說舊遊重來茂苑又深秋烟霞靜鎖詩人屋  
風雨常欺倦客樓獨鴈叫羣天漠、蹇驢畏滑路悠悠  
相思清夜黃花老一殘寒燈萬斛愁

次韻薛曉翁教授

鯤鵬意氣鶴精神髣髴風流賀季真三顧豈無天下計  
百年空老夢中身兵塵滿眼誰知己儒術謀生每誤人  
長嘯歸來尋舊隱石田茅屋未全貧

閒境

門外紅塵競往還小軒容膝自怡顏三杯對影夜邀月  
一笏拄頤朝看山芳草落花春不老鳴鳩乳燕樂相關  
人間尋徧無閒境閒境由來祇此間

小園漫興四首

小園雨過草離離，寂寞葵榴又一時。  
載酒客來閒問字，催租人去更吟詩。  
一杯淡粥學僧供，三尺高牀避鬼吹。  
百歲先陰行六十，世間何許鳳凰池。

杖藜竹外獨徘徊，歎息人間幾劫灰。  
燕領素無難食肉，鷹螯才有便持杯。  
世人枉是皆欲殺，明主何嘗有棄才。  
多謝諸公共推輓，公車時亦到蒿萊。

公車縱肯詔遺民，雀髮蕭蕭已滿巾。  
美景昔時多樂事，豐年今日有飢人。  
翻雲覆雨憐輕薄，洗眼開懷任屈伸。  
野鶴瘦軀馴鹿性，此時寧復繪麒麟。

華髮思鄉去苦遲，人民城郭總成非。  
九原可作吾誰與，三徑就荒胡不歸。  
詩思寂寞寒無腹，棄病軀顛顛減腰圍。  
有時夢與鍾期遇，閒拂枯桐按玉徽。

懷蕭道夫

北轍南轅一昔分，何時尊酒細論文。  
談經舉世用燕說，橫筆何人靜楚氛。  
胡輩風流推李杜，弟兄詞藻愧機雲。  
麟洲有客長回首，歸讀琅章飲所聞。

泊閘橋有懷

青鏡霜刀香莫尋，陳留巷陌故陰陰。  
鴻飛猶記東西跡，燕去誰留下上音。  
多病樂天悲老近，三生杜牧恨春深。  
浮雲柳絮元無準，慚愧人間兒女心。

戲簡友人二首

百年何處葉菟裘又向周南嘆滯留  
祗韻但能淒客枕鴈聲渾不到  
歌樓江湖展轉魚千里今古驅馳  
終一丘回首金焦渺何許瀟灑風  
雨使人愁茅齋蓬髮靜編蒲誰使  
擔簦問客途萬里晴雲離塞雁  
一天明月繞枝烏羈愁浩渺夜將  
半詩思淒涼歲欲徂却羨故人沉  
醉處紅樓紅粉擁紅鑪

次郭元德二首

馬周淹逆旅夢寐憶常何琴古知  
音少囊空得句多淒涼憐我老慷  
慨為誰歌三尺匣中劍時自濯磨  
昔賢多不偶今我欲如何浮世歡  
娛少衰年感慨多吾伊繡蠹簡款  
乃聽漁歌自笑平生志低回竟不  
磨

次韻郭元德旅懷

挾策知無用援琴且自寬世途今  
更險客枕夜偏寒頻仰隨時易隆  
汙合道難功名大槐夢青鏡莫頻  
看

偶題

身世厭漂零衣冠愧典刑乾坤開  
闢戶日月短長亭水澗連天白山  
高擁岸青揚雄中有宅垂老太玄  
經

村居即事二首

地僻村深過客稀教家生聚突煙  
微魚蝦入網忙呼酒鷺鴨棲池靜  
掩扉喚婦索綯苦屋角課兒斫竹  
補園籬溝東積水通前浦也有蒲  
帆帶雨歸

漠漠平疇接遠沙一泓寒水浸梅  
花兒挑苦笑供鷺食



妻擷蒹葭薦客茶，樽中火殘寒尚力。茅柴酒熟夜能賒，  
歲時伏臘歌呼處，三世兒孫共一家。

贈良常山人

青歲迂踈厭市塵，誅茅結屋北山巔。泉冷陰洞徒分飲，  
草軟陽坡庶伴眠。三徑烟雲渾是畫，四時風日不論錢。  
忽逢野老談庚甲，笑指喬松不記年。

富安田舍二首

風餐雪虐駕扁舟，又作田家數日留。鴈逐稻梁飛遠浦，  
犬驚杖屐吠荒丘。三杯薄酒延僧話，一盞寒燈伴客愁。  
白水漫、妨麥事催錢，縣吏亦宜休。  
漠、寒雲接斷蕪，平時積水入長湖。犢眠籬下霜埋草，  
鴈宿河邊月滿蘆。乾吻苦茶，連葉煮膠牙，酸酒帶糟鋪。  
數朝已覺人情熟，識字耕田著我無。

田家喜雪

漫空飛雪歲云徂，獨坐閒吟粟滿膚。郭落江山千態迥，  
渾淪天地一塵無。寒聲夜吼松筠裂，和氣朝回薺麥蘇。  
說與田家別一醉，明年寧復慮官租。

除夕二首

十旬為客思淒然，返權言歸又覈田。楮燭煨鑪銷永夜，  
屠蘇浸酒迫新年。人生半是忙中過，農事偏於隱者便。  
將老菟裘何處卜，九龍泉畔錫山邊。

買田陽羨笑東坡，三黜窮荒兩鬢皤。瘴霧蠻煙添老色，

寒燈夜雨強悲歌百年富貴歡悵少一日清閒樂事多  
說與故人休大噉省曹閒者面如何

次韻郭元德閒居二首

萬事夢中夢百年身後身黃塵空沒馬白髮不饒人  
美事波淨整肥菊露新相思須命駕莫厭子與貧  
弋篡冥鴻遠城荒去宦還萬緣俱是幻百計不如閒人  
在羲皇上時當晉宋間委心乘物化何地不蓬山

后平叔母夫人挽辭二首

十載干戈四海同幾人徐庶幾陳宮阿奴侍母但膝下  
潘令棄官歸洛中生死總歸蝴蝶夢哀榮何啻馬牛風  
送車千乘誰能致我亦潸然淚洒空  
昔年烽火隔江津指痛呻吟夜徹晨旁置萬家空有家  
祿營三釜已無親鸞回紫誥承恩舊牛卧青岡卜北新  
送死養生無一憾老懷緣此重霑中

餞楊少監

白髮蒼顏自在仙流行坎止任天然江山得意竟携酒  
家世為官不愛錢天與清閒娛晚景人看富貴出長年  
傳聞尺一來閭闔正馬春風快著鞭

楊綱中分教京口有司以冗員罷去賦詩為別就

次韻以餞其行二首

冲霄志氣合雄飛誰遣談經坐絳幃夜雨簷花聊痛飲  
秋風蓴菜竟思歸一官豈為吾曹冗五斗政嫌兒輩譏

去、草玄從尚白丈夫元不羨輕肥  
公車指日召巖徐友道從渠自耳餘  
浮世功名蕉覆鹿  
冷官滋味釜生魚百年荏苒醉還醒  
一氣循環慘復舒  
歸去湖山多樂事故人休枉絕交書

贈程秀才

莎徑莓牆枳棘籬藜牀六尺卧書帷  
門前剝啄誰驚夢  
馬上推敲客有詩北牖清風聊共語  
夜梁落月重相思  
賓鴻此去過京峴應遣新吟慰舊知

姑蘇有贈

畫樓珠翠列娉婷  
遼雀重來失故城  
商女不知寧有恨  
徐娘雖老尚多情  
一簾花雨談幽夢  
雙槳尊波急去程  
却倚闌門重回首  
笳聲嗚咽暮雲橫

天竺山

鷲嶺舊尋詩重來十載期  
蒼吟僧定榻猿挂鶴棲枝  
山月穿窗入溪雲傍竹移  
一聲清磬發應悔出家遲

遊金山寺次壁間韻

水國微茫境物閒  
洪濤九派護禪關  
帆檣下上淮連浙  
樓殿高低寺裏山  
潮駕金螯來海上  
天留玉府在人間  
凭闌落日蘆風起  
時有魚龍聽法還

醉中偶書

落花流水兩無依  
夢入桃源覺已非  
尊酒闌珊山月落  
片帆搖拽浦風微  
雲橫北固朱樓遠  
煙暝西湖畫舸歸

別易會難今古恨鱗鴻來往莫相違

甘露寺火後登多景樓故基有作

西風散綠步崔嵬霽色浮空望眼開江勢亂奔滄海去  
天形低約衆山回一卷狼石埋焦土百尺危樓付劫灰  
惟有沙鷗知我意相親相近不驚猜

佩韋齋詩集卷第六

國家圖書館, NATIONAL CENTRAL LIBRARY, TAIWAN, R.O.C.

佩韋齋詩集卷第七

太玉山人俞德鄰宗大父

絕句

金陵道

樓頭凝望處落日帝王州下有朝宗水涵涵日夜流

曉行沙上

宿雨泥輕塵沙平草樹春遠山千萬疊空翠欲沾人

客中雨

風雨正瀟灑孤燈伴寂寥關心多少事一一付芭蕉

尋春

日尋春到水涯今朝籬落見梅花折梅欲問春消息

春在橋南賣酒家

春日山行

山北山南日幾回  
半山、舍更傳杯一聲  
羌笛山雲裂  
二月山花有落梅

晚醉

兀、餘酣漱晚汀  
古犧香霧入疎櫺  
捲簾歸坐月弦上  
隔岸遠山青更青

何山白水田

離、遠樹接山低  
白水田頭杜宇啼  
昨夜前村新雨過  
桔槔間在石橋西

題朱友仁遠景

蒙、樹隱山澗、波橫海  
其中一葉舟  
豈有陶朱在  
為石民瞻題風雨溪橋手卷

煙林雨氣昏  
行客苦遲滯  
誰知渡溪橋  
風塵滿天地  
訪徐叔詠教授山菴迷道而作

上山下山、歷、松篁不改路  
非昔杖藜聊欲問山翁  
山空葉落無人跡

到徐叔詠居

攀藤躡石訪幽客  
茆屋參差松樹隔  
山童聞語不應門  
古木千章鳴格磔

二詩作于丁卯正月七日  
予與龔君聖予訪叔詠于  
西湖南山上叔詠喜具酒肴  
接設勤款間濶不覺留

連竟日別去叔詠策杖躡屐送至石佛菴予與聖予  
歸憩清和旅邸越翼日叔詠忽以訃告二詩殆類談  
語每視之不勝宿草之感

次韻周遺直京城苦雨五首 甲戌

天地黯黯雲氣繁淤泥沒脛蝸書門長安米升錢五百  
忍飢茹芝誰緝園

濁醪梨棗亦易求雞鳴簷溜還交流親賓縱談天下樂  
藜杖誰肯過蘇侯

古今浩漭多詩流清辭麗句誰能高大厝飢寒少陵杜  
義熙歸去彭澤陶

半年京國囊無儲飯我巨粥羹寒蔬翻江黑雨彌兩月  
却憶溪翁留白魚

雲壑布衣賢亦愚玉階紫衣妾亦夫書三十乘須飽讀  
鵬九萬里從南圖

六言

貧夫尋夢尋蟻可人間愛沙鷗一生能消幾屐十年浪  
走三州

題瘦馬圖

一十五條瘦肋八千萬里脩程春草明年又綠朝趨夜  
秣幽并

為徐彥昌題畫扇

峭壁倚層霄長松蔭幽壑荒徑一樵歸平沙羣鴈落

為陳登父題畫扇

古澗橫小橋竟日無人渡紅塵隘九衢來往不知數

題蘭亭圖

昔上會稽探禹穴曾留此地聽潺湲茂林脩竹今何在  
歎息三原缺莽間

戲題王吉甫居壁二首

曉出西關訪直溪西風掠地草淒淒低岐迷路無人問  
刑塢轉東轉西

沒馬黃塵倦入城杖藜聊復暢幽情却嫌村近山林遠  
一望三茅與四平四平山名

游霍林即席分韻代率上人賦日字

松聲度暖風花氣薰遲日乘興問三三何勞邀七七

廣信道中留別故人二首

踈々楊柳拂平沙白鷺攏襟立水涯從倚闌干吟未穩  
澹雲籠月落誰家

天涯淪落偶相逢路轉靈溪事又空從此萬山并萬水  
暮雲飛處望江東

題明皇卧吹簫圖二首

羯鼓催花事已奇一枝媚玉卧猶吹何如端拱岩廊上  
九奏簫韶付后夔

吹斷簫聲禁漏遲華胥一枕夢醒時梨花院落沉沉靜  
更有人偷玉笛吹



閒居遣懷六言四首

巧語屢遭蒼葛麗辭空賦梅花歲晚菟裘可築不妨痼疾煙霞

厭家雞  
涉世性多物忤畏人分合幽棲道德能談飛燕兒曾從

元龍高卧樓上孔明抱膝隆中天下士憂天下此時此意誰同

賀毅刺舌誡口郭舒拍鼻炙眉對客瞪視不答士廉已悟無為

過高郵新開河

新河渺々接長溝露冷菰叢一鴈秋十風蒲帆力風飽回頭煙雨暗天游

淮陰侯廟三首

鹿走沙丘二世亡重瞳隆準正奔忙將軍果是無雙士何用區々覓假王

兔死從來狗亦烹楚亡安得有韓彭封留便約赤松去已愧當年魯兩生

誅秦慮項真乾坤三傑勳名萬古存一笑淮陰年少客不如漂母識王孫

漂母墓二首

露冷蘆洲楚水平荒墳三尺近甘城當年不進王孫飯千古誰知漂母名甘羅城在墓東

袴下包羞氣未伸，寄身身長更遭嗔。不圖他日千金報，  
漂母應非世俗人。

淮安天慶觀夜坐

邊城寂寞歲將闌，濁酒頻斟醉不歡。一點青燈霜月白，  
野鳧風起石窓寒。

感事二首

一朝天險失長江，肉食諸公競賣降。受禪碑中無姓字，  
祇今誰憶鹿門龐。  
投閣先生著劇秦，隴西降將欲全身。沙場無萬沈冤骨，  
却是周嬰與杞人。

梅花三首

蝶隱蜂藏寂寞芳，一枝寂寞落小溪。傍林逋仙去無知己，  
明月清風自主張。

洗盡鉛華見玉肌，可人風味半開時。膽瓶誰汲寒谿水，  
帶月和煙簪一枝。

沙岸縈回一水通，補陀仙子靜相逢。鷲衣不染人間色，  
寂寞清香度曉風。

揚州天慶觀作

日轉梧桐影，密月明楊柳陰。疎經閣磬聲穩，闐然風  
馬雲車。

癸未遊杭作口號十首，因事懷舊，雜以俚語，不復  
詮擇。

十年南國足風埃錦繡湖山得再來  
醉裏不知人世改更從雲氣望蓬萊

襄城七聖雲迷澤槐里三原草合煙  
今古興亡元有數福華當日為誰編

萬戶千門達曙開管絃咽浙滸樓臺  
祇今明慶鐘聲動已報巡燈響鐸來

杖藜乘興不辭遙行盡蘇堤過斷橋  
白髮老翁依古柳相逢揮淚說前朝

水秀山明仙佛國天開地闢帝王家  
欲窮勝貴人非昔獨立西風夕照斜

宸繡三朝邁等倫曾將雙美繪麒麟  
當年早共赤松去未必清漳見逐臣

黃門飛鞚賜厨珍翠舞珠歌度十春  
今日敗垣荒草合近前那復相君嗔

堤邊楊柳拂晴波堤上遊人銜綺羅  
山色湖光渾似舊采蓮人唱采茶歌

慈雲嶺下拜郊臺表裏湖山綉畫開  
十載西風動禾黍行人休憶翠華來

西馬塋邊紅杏雨金牛寺外白楊風  
杭人夏樂多如此儻有聖賢吾欲中

譚題丞相趙忠靖公墨梅為張宣參作

稜、瘦鐵點瑤花筆底陽和轉歲華  
卻笑西湖窮處士

暗香疎影屬誰家

次韻張受益六言無戲方使君二首

狎鷺亭臨野水夢蝶牀  
置禪齋爨矮金壺有酒  
葛天粟陸無懷

燕玉公堪暖老澤室我嫌  
犯齋世事不均如此臨風  
渺渺余懷

題古木寒泉手卷

嵐浦一谿泉巖幾千古木  
中有避世人陰厓結茅屋

題葉勸農對山樓次韻二首

三平二滿過即休十事九  
律誰與謀歸來政自佳趣

樓對青山對樓

避世莫學韓伯休生子何  
必孫仲謀逢岑寸碧可人意

風月一天閒倚樓

贈武當山孫道士二首

雲龍風虎正經綸長嘯歸  
山作道人千古武當丘壑在  
紛々高位幾全身

漢祚雖開四百基韓彭諸  
將竟何之誰如四皓高山去  
明月一天餐紫芝

桐廬縣作

荒城秋雨後寒骨曉晴初  
沙路繫紆屨紫扉蕩折餘

泊東館

一望嚴陵十里餘亂山銜  
日鴈相呼故人零落今餘幾

獨有黃公舊酒壚

郊居

野徑晴霏斂江郊夏日涼  
夢中知是蝶還復自家莊

訪三茅舟至金沙雨阻因游龍山書院

遊霧登天計若遲岷嶓聊欲訪  
支離幅巾破曉龍山去  
且免三茅費勒移

村舍

瀧、流泉漱石寒蒙、草樹接江干  
雲歸遠岫月初上  
雨打落花春又殘

次韻山人見寄

營得菟裘佚暮年雲山萬疊足  
風煙絕憐擾、馳名者  
落日西津喚渡船

閒居

客少經過因地僻門無障礙  
覺天寬餘生已斷封侯願  
渭北蕭、竹葛竿

泊湖頭

涼翻川菊勻煙靄樹模糊  
小艇時呼客龍游酒試沽